



Universitätsbibliothek Paderborn

**Martini Martinii Tridentini E Societate Jesu Sinicae
Historiae Decas Prima**

Martini, Martino

Monachii, 1658

Primus Imperator Lieupangus sive Caozuus. Imperavit annis XII.

urn:nbn:de:hbz:466:1-11848

MARTINI MARTINII
è Societate JESU,
SINICÆ HISTORIÆ
LIBER SEPTIMUS
De imperante Familia HANA.

PRIMUS IMPERATOR
LIEUPANGUS sive CAOZUUS.
Imperavit annis XII.

Cyclo 42. annus
32. ante Chri-
stum 296.



Odem anno, quo séque & imperium INGUS LIEUPANGO tradidit, HANÆ familæ statuerunt initium Sinen-
ses historici. Etsi verò LIEUPANGUS universum oc-
cupaverat imperium; CIN rex tamen potius haber-
volut, quam Imperator. Quam appellationem postea
primum admisit, à suis ad hoc persuasus, ut narrabo.

Magna vidi
Imperatoris
abscisse.

Eius Nam
victor servat.

INGUS ergo Imperator postquam dies sex tantum & quadragin-
ta rebus præfuit; acceptâ superiori clade, auditóque LIEUPAN-
GUM ad regiam urbem rectâ victorem exercitum ducere, cùm vires
ad obſtendum ei deſſent, pejora more gentis atque adeò mortem
timens, clementiam voluit victoris experiri. Collo igitur in funem
inferto, imperatorum ſigillum & insignia reliqua ferens, & curru,
quem albi trahebant equi, quod tristitia ac luctus ſignum eſt, veflus
obviā LIEUPANGO procedit. Ubi prope illum fuit, è curru de-
ſcendens eumque veneratus, cum imperatorijs insignibus imperium,
quod non habebat, ei tradit, & in regiam urbem invitavit, ſolam ab
ſe mortem deprecans. Vilissimus Imperator, qui quadraginta ſex tan-
tum dies imperarit, & ſe tam ignominiosè abjiciens ac ſupplex ad
ſubditum rebellem venerit.

Victoris exercitū duces ferē omnes LIEUPANGO ſuadebant,
ut occideretur. Quos ille non modò non audijt, ſed à quavis etiam alia
injuria eos abſtinere jussit. HOEIUS ZU rex idemque noſtor me ad-
hibuit.

bibuit, inquit, ut sive auspicijs occuparem imperium, CINA regnum pro-
mittens præmium victoria, Quod autem ante alios uti voluit meā potiss-
mū operā, perspecta ei magnanimitas & ad misericordiam propensio meā
fecit. Hac die, quā nulla felicior illuxit mihi, tandem ad exitum felici-
ter adduxi rem, in quā velut in cardine consilia ZU regis & meave-
straque movebantur omnia. Vultis igitur hanc felicissimam lucem à me
sanguine contaminari? sanguine insontis, qui seipsum ulro mihi tradidit?
Meliora, Calum! nec ego me in tantum odi, ac despicio, ut cedem patiar
esse mei principatus auspiciū, sine dubio infelicissimum. Hac oratione
mollitis ducum animis, INGUM comiter acceptum secum in urbem
regiam deduxit. Tunc HENYANG nobilissimam urbem militibus
suis diripiendam permisit, sed haec tenus, ut neminem unum interfice-
rent, aut offendenter, vel graviori aliquā injuriā afficerent; severā
pœnā constitutā peccantibus. Ingentes in urbe locupletissimā repertae
sunt opes. Unus SIAOHOU, vir consultissimus, qui apud LIEU-
PANGUM erat in honore & in pretio, præclaram ante omnes prædam
fecit. Nam cùm litterarum esset amantissimus, spretis divitijs omnibus,
quaे in manu ejus erant, muséum summi magistratus ingressus,
inde tabulas imperij geographicas & libros, in quibus particulatim
omnia provinciarum peculiaria, & munitiora loca, redditus, & homi-
num numerus accuratissimè repræsentebantur, secum abstulit atque
servavit. Ex his deinde LIEUPANGUM omnem imperij statum adeò
scienter edocuit, ut omnes, & præcipue LIEUPANGUS admirare-
tur, unde tanta rerum ei notitia. Quoties de re aliquā in medium
consulebatur; egregia semper ejus in loquendo prudentia, gravitas
& constantia dictorum enituit. Quem proin Imperator honoribus ac
divitijs auxit amplioribus, quām si civitatis unius gazam omnem fo-
lus acquisivisset; ditior è libris unus, quām milites omnes è prædis.

Palatium Imperatoris LIEUPANGUS sibi seposuerat & intactum
esse præceperat. Quod ingressus ubi primum illius magnificentiam,
rerum omnium elegantiam, copiam ac splendorem vidit, equorum-
que, servorum & mulierum decorum ac multitudinem; ijs omnibus
captus inibi sedem figere decrevit, præter CINA regnum ejusque deli-
tias nihil expetens. Sed FANYUAIUS Præfetus, ut ad exercitum Quies & lu-
rediret, suasit, inibique considendi consilium penitus damnavit. Hac xus regi dif-
enim, que in tantopere miraris, inquit, & imperium ipsum quibus rebus
perdidit CINA familia, quām quod in illis conquirendis illino Imperato-
res

res nimisj fuere? luxuries ac prodigentia eis exitio fuit. An non, & rex quorum imitare facta, eorum perhorrescens exitum? rogo te atque oro, ut intempestivas voluptates aspernatus quamprimum ad exercitum redeas, cœptique belli gloriam propages. Quis impetus aut ignavia potius adeo te fascinavit, ut, cum possis imperare, tanum regnare velis? Malè metuo, ne imperium, quo jam potiris, relinquens, etiam regnum, quod tam efflissime amas, amittas. Si me non audis; pro certo habeas felicitatem tuam ad metam venisse. Respuit LIEUPANGUS salutare consilium; & ut erat mollis & voluptuarius, partis frui, quæ sibi sufficere videbantur, deliberatum habuit, neque ex urbe discessit. FANYUNIUS, ubi nil profecit, CHANGLEANGUM monet. Ex hoc LIEUPANGI spiritus pendebat, nec alium impensis venerabatur. Hunc igitur adiens CHANGLEANGUS affatur in hunc modum. Viciisti tu quidem CINAM familiam, & ad hunc gradum ascendisti; sed, si verum fateri licet, in illâ solida virtus extincta materiam tuos laudibus atque initium dedit. Tu potissimum electus es à Calo, ut illius luxum castigares familiae totius interitu. Vide, queso, quid agas modo; & ne ob eandem causam à Calo deserarts, etiam atque etiam cave. Simplicitas est amanda tibi, & in omnibus rebus moderatio. Qui malos punire vis, ipse malus esse non debes. Vix CIN regnum obtinuisti; & tam citò modestiam dediscens. CINAE familia luxuriem & vicia nondum bene sepulta denuo via in orbis extium excitare? Non tibi venit in mentem, hac, quæs ita caperio, esse, quæ KIRUIS, quæ CHEUUS, quæ sevissimæ tyrannia ac regibus ad infanda facta faces admooverint? hac esse, quæs occacati reges fidiorum amicorum spernant consilia? Exemplum hujus calamitatis, si defint alia, cogimur in te abominari, qui modo sanctissimum FANQUEII consilium contemnu. Sed nimirum quemadmodum veneni amaruudo morbum images incendit; ita salubris consilij contortus malorum facinorum indignitatem auget. Audi, obsecro, monentem FANQUEIUM, tibi fidissimum. Selantem voluptates pena multis experia, salutaria moniti patientem certum premium manet imperium. Non est ausus amplius CHANGLEANGO LIEUPANGUS obsistere; relatisque delitijs & urbe tandem revertit in castra.

Non multò post ad eum venere legati à CINI regni singulis civitatibus missi, cunctis in ejus fidem & obsequium sponte concedentibus. Quos omnes benignè LIEUPANGUS exceptos vocatosque in concionem, primò dictis ad abstergendum novæ dominationis timorem

rem accommodatis mulcet, ac bono animo esse jubet. Scio enim vos
ajebat, tyrannicarum CINA familia legum onere pressos gemuisse. Nanc
respirandi tempus adest, postquam Calum per me vobis quietem, quoq;
hanc consequuntur, indulxit. Quamobrem ex hac die, quas inique fami-
lia CINA sanxit, in perpetuum antiquata leges sunt. Et quia primus
inter Zu regis duces imperioriâ urbe potitus sum, ex promisso regnum
CINA mibi cedit; ego ita vobis imperabo, ut parrem vobis obtigisse lata-
turi sis. Ira mee nullus parentabo sanguine, nisi qui prior homicidio ma-
nus polluerit. Qui verò aliena rapuerit, vel aliud alteri damnum intule-
rit; pro gravitate delicti penas dabit, sic tamen, ut semper adsit modus.
Tributorum exactio ea erit, que sub bonis Imperatoribus fuit. Ante omnia
Prefectos optimos vobis & magistratus dabo, qui horum curam sedulo ha-
beant. His dictis latos dormum dimisit. Et prefecto hac modestia ac
benevolentia magnam ab omnibus gratiam inicit, famam enim ut pium
regem ubique differente. Unde sine vi illâ totum CINA regnum pro-
num habuit ad obedientiam; eaque propter maximè post ad imperij
culmen pervenit.

Postquam accepit HANGYUS, jam confecisse rem LIEU-
PANGUM æmulum suum, ac primum CINA regnum occupavisse; in-
vidia simul & ira, suprà quam dici potest, effebuit. Jamque contra
LIEUPANGUM arma movit. Angebat illum ea res vehementer.
Sciebat HANGYU turbulentissimi ac ferocis ingenij esse. Nove-
rat ejus in pugnando foreitudinem, & militum numero haud paulò
majorem. Quare aperto Marte cum illo decertare non ausus, tantum
ad custodiendas vallis HANÆ fauces militum manum mittit. At
mox adest HANGYUS, impositum praesidium fundit, & eodem
imperio ad regiam usque tendit, ipsum LIEUPANGUM in castris ex-
tra urbem morantem invasurus. Non deerant ex HANGYI duci-
bus, qui ultro currenti stimulos adderent; quos inter FANCECUS,
eum sic affatur. LIEUPANGUS ante hoc tempus in minore fortunâ Color pro vita
nere sumimus
divitias ac colores (per colores Sinæ venerem intelligunt) amabat. Nunc à Sinâ,
omnium horum affluenter compos, ab eis est ab alienatus fastidio nobis, nisi
cavemus, periculo. Nihil jam parvum, nihil mediocre meditatur.
Mibi quidem suspecta est hac illius moderatio. Prefecto enim non modo
regnum CINA affectat, d' imperium. Majores, quam alias unquam spi-
ratus præ se fert, animumque dignum imperio. Cave, ne evadat; sed
quamprimum in eum irrumpe. Viribus & militum numero superiores

Gg 3

sumus.

sumus. Age vocantem fortunam sequere. LIEUPANG I omnia una
 cum imperio te viclorem exspectant. Facilè fuit, persuadere in eam co-
 gitationem toto pectore incumbenti. Quare militibus edixit, ut cor-
 pora curarent, & se ad prœlium accingent, summo manè ineundum.
 Agite fortiter, commilitones, ajebat; ditisimus exercitus in spolium
 vobis esto. Dum hæc inter HIANGYUUM FANCENUMque tractan-
 tur; aderat HIANGYU I pater, HIANGPEUS nomine, cui vetus
 erat cum CHANGLEANGO amicitia intimoque usu firmata. Hunc
 igitur silentio noctis LIEUPANG I castra subiens HIANGPEUS ami-
 cus amicum consulutat. Ac licet HIANGYUUM timeret LIEUPAN-
 GUS, nihil hamen hostile movebat, ne primus cœptâsse bellum vide-
 retur. Sed HIANGPEUS amicum de posteræ lucis prælio commone-
 factum rogat, ut sibi suisque rebus consulens, deserto LIEUPANGO
 se subducat instanti periculo. Tum egregia erga ducem suum CHANG-
 LEANG I fides enituit. Nam et si periculum erat evidens; induci tamen
 haud potuit, ut ab eo descisceret. Amico autem in hunc modum re-
 spondit. Ego, quia CINA familia regem HANUM, cui subditus eram,
 acerbè vexavit ac delevit; idcirco LIEUPANGUM secutus sum, atque
 in Imperatorem instigavi, ut excidium regni vindicarem ac regis mei.
 Obtinui, quod optabam. Et HANOVUM regem habet, & CINA fami-
 lia devicta; quod utrumque LIEUPANGO debo, tantique beneficij
 magnitudinem quantocunque possum, constanti quidem obsequio compen-
 sare certum est mihi. Neque committam, ut, quem secutus adhuc sum
 prosperâ uitæ fortunâ, nunc periclitantem deseram. Vel vincam cum
 illo, vel moriar. Hæc locutus HIANGPEO persuasit insuper, ut &
 LIEUPANGUM salutaret. Qui comiter eum excepit, apparatque
 splendido convivio inter colloquendum lætior, HIANGPEI filiam
 uxorem petijt, promittens illam reginam fore. Tum ipsum affatus,
 Ego, inquit, Imperatore simul & urbe regiæ in potestatem meam redactâ,
 cum multam possem prædam facere, meos exercitus opibus augere; nolui
 tamen uti jure belli, quoad liqueret mihi, quid ZUUS rex noster in ea
 re fieri vellet. Ediverso filiuatu, quacunque transibat, nihil intactum
 relinquere; thesauros, annonam, omnia compilare; selectissimos quoque
 milites sibi subjecere. Hinc primum ei fuit, collocatum ad defensionem val-
 lis præsidium fundere. Sed hac de re jam non expostulo; bene an secue ege-
 rit, tuum judicium esto. Tantum hoc; ZUUS regis copias ejusdem copijs ve-
 xare atque occidere, minimè fas nobis est, neque adeo sónvenit. Nisi
 longe

longè à fide, quam ducibus debemus, velimus recedere atque omnem humanitatem exuere; abstinendum nobis est à parricidio. Quo enim alio nomine appellem, si nos ipsos, si fratres nostros occidimus? Fratres certè sumus unius regni, unius regi subditæ. Cur nos ipsos imus perditum? Ego sanè regnum CIN hand ambo; penes ZUUM regem nostrum erit, illi, quem voluerit, imponere. Illo jubente, filio tuo libenter cedam. De hæc animo mei sententiâ, de ceteris item, quæ modo breviter pro bono publico differui, quæ te, filium edoce; quem longè ab his diversa meditari scio. HANGPEUS se hoc facturum promittit. Præterea inter eos ita convénit, ut LIEUPANGUS summo manè adesset HANGI salutandi specie; se enim filio adstiturum & pro LIEUPANGO acturum.

HANGPEUS ergo cum ad filium venisset; Quid incepas, inquit, aut qua nova misces & concitau mala? hominem, de republ. optimè meritum, qui devicit Imperatorem, nostrique regi ulciscendi causâ hostes profligavit, regi nostri subditum bello petis? id verò injustissimum est; nec Calo nec hominibus nec ZUO regi gratum. Hoc magis consuadeam, ut firmata, que cum eo nobis diu jam intercedit, amicitia, tractes eum amicè, atque, ut decet, tantum virum excipias. Hæc talia loquenter intercepit nuntius, adesse LIEUPANGUM, non nisi centum equitum turmâ stipatum. Nec mora, & ex composito, & more Sinico tanquam æqualis HANGYUM invisit, dissimulatâ prudenter utrinque similitate. Nam HANGYUS hac LIEUPANGI comitate vietus ac delinitus, odijs repente positis omnem ex animo ferociam abstersit & hospitem magnifico splendidoque convivio tractatum per dies aliquot apud se detinuit. In quâ re utrum magis mirer, fiduciam LIEUPANGI, ac HANGYI mutationem, nescio. Ille audacter æmulum animique præferocem ultro convenit; hic cum in potestate habet & inimicum, è quo jamjam petiturus erat ultiō armis, & regnum, quod eisdem ambibat, utriusque rei perficiendæ occasionem sponte obviā negligit, ex hoste paulo antè sempiterno repente summus amicus. Nimirum hoc LIEUPANGO secunda fortuna tribuit, nato ad imperium.

Exactis salutationis diebus cum LIEUPANGO urbem regiam *Villorū furor.*
ingreditur HANGYUS, eamque, vindictâ & odio, quo res CINÆ familiæ persequebatur ardens, nullâ nobilitatis aut amplitudinis habita ratione, inflammari incendique jubet; ipse palatio subjiciens ignem. Incendium usquequaque diffusum tres ipsos menses traxisse scribunt,

scribunt. Deinde CINÆ familiæ sepulchra effodit, cadaverique & ossa in cineres redacta, per avia saltuum spargi jussit. INGUM Imperatorem, qui apud LIEUPANGUM liberaliter tractabatur, ipse suâ manu obruncavit; opes quantascumque potuit, concubinas & res palatij reliquas compilavit, atque ita expletâ irâ Orientis plagas, unde venerat, repetit; intacto LIEUPANGO, qui spectabat hæc omnia dissimulanter, ne superbum animum irritaret, meliorem agendæ rei suæ occasionem opperiens'. HIANGYUS autem, cùm esset in itinere, insigne crudelitatis exemplum edidit. Nam cùm audiisset eos milites, qui ad ipsum defecerant, indignari CHANTANIO, ac de nobilissimâ urbe exustâ effossisque sepulchris præcipue conqueri, dolorè malitiosèque prius exarmatos & à reliquo exercitu circumdatos

ingens crudelissimus.

ad unum omnes trucidavit. Ducenta hominum millia suis reperio. Hinc in omnium incurrit odium, crudelissimum facinus detestantium. LIEUPANGUS contrâ comitate, benignitate, justitiâ & æquitate omnium animos atque amorem sibi demeruit. Quæ res imperium illi peperit; HIANG YO verò ferociensis animi vecordia & odium vitam abstulit, ut in loco memorabo.

Dum progreditur Orientem versus HIANGYUS, aliud crudelitatis ac vesaniae reliquit exemplum. Nam illius Præfecti videntes, quām non è re suâ fecisset provinciam XENSI LIEUPANGO cedens, ut maneret eāmque sibi servaret, suadebant. In his HANSIENSIS sic eum alloquebatur. Provincia XENSI fertilissima est ac potens, fortissimorumque militum ac plurimorum semper altrix, annona & alimento circumfluens atque abundans; ab hostium incursionibus tu- rissima, hinc montibus, inde fluvio clausa. & ad reliquias provincias de bellandas peropportuna. Hanc talem, quæso, tibi serva, nec eam amulo presentem tuo cede; qui si potiretur ejus, à te potius esset expellendus, ne dum jam admittendus, hoc est, in te armandus. Sed HIANGYUS, cui præter arma nihil placebat, eum irridens, Vrbs maxima, inquit, tota conflagavit, palatum in cineres redactum, opes & quidquid in ea pretiosum, ablatum est. Quid adam in paupere provincia, non video. Nec enim divitiae redeunt, unde semel abierte; haud magis certè, quām verius ac lacera uestis renovari potest. HANSIENSIS stolidum responsum excipiens, Nunc verò, quod est in proverbio, rectè dicit compertia Z u regni incolas simias, non viros esse, qui non rebus ipsis, sed rerum specie tantum ac ludicris delectentur, haud intelligentes vera consilia.

Quo

Froverbiū.

Quo audito H I A N G Y U S iræ impotens vivum exuri jussit H A N S I N I U M.

Post iniquam cædem ad HOAIUM Zu regem legatos mittit, scisitatum, quænam illius esset circa CIN regnum sententia, cuinam il-
lud traderet? simul, an ipse vellet, rogans. HOAIUS promissi me-
mor scribit ad eum litteras, queis regem declarat, qui primus regiam
occupasset urbem, LIEUPANGUM. Tum H I A N G Y U S , ut &
æmulum exueret regno, & regi suo persuaderet, ut CIN regnum sibi
retineret, unde invadendi LIEUPANGI esset occasio; HOIUM
regem, Sinarum Imperatorem pronuntiat decernitque, ut ab omni-
bus pro eo habeatur. At enim HOIUS suo contentus, noluit reli-
quos turbare reges. Itaque H I A N G Y U S & ab hac spe frustratus in
suum regem perniciem machinatur; & postquam ab illo sibi Zu re-
gnum non tradebatur, interfecto rege sibi subigere statuit. Interim ta-
men, dum facinori perpetrando commodum tempus affulgeret & oc-
casio; subditum se illius simulat, & ut anteà regijs mandatis obnoxium.
Ad hoc, antequam X E N S I provinciâ omnino exiret, ad LIEU-
PANGUM certos homines mittit, qui significant Zu regem cessisse
quidem illi regnum CIN, sed hactenus tantum, ut provinciæ X E N S I
partes ab Occidente propiores essent in ejus ditione. Quare, ut reliquis
cederet, jubebat; alioqui persecuturum se jus suum. Ea res LIEU-
PANGI animum vehementer exasperavit; jamque in H I A N G Y U M
moturus erat, nec exercitu nec robore impar, & ad hoc à compluri-
bus Præfectis incitabatur. Intercessit tamen præcipiti consilio S I N O-
HOU S, &c. Et hac quidem, inquit, ab homine turbulentissimo profecta
in te injuria; sed qua nihil officiat dignitati tua. Sententia mea fert, ut
& hanc & ceteras animi aequitatem vincas. Cernis H I A N G Y U M apud
omnes laborare contemptu, fierique minoris in dies; te contrà diligi ab
omnibus, ac continuo crescere. Augebis hanc felicitatem non mediocri-
ter, si & modo illi decesseris; ac tanto certius Imperatoris optimi cognomen
adharebit tibi, quanto minus avidus eris imperandi. Fuit hic semper ma-
gnorum regum & magna meditantium mos ac modus, ut impios pietate,
superbos moderatione vincerent. Meminisse te velim, parvam iram
magna sape negotia intervertisse. In summa igitur hoc suadeo, ut à bello
desistas, neque tam funesta inijs populum vexes. Quin potius exosi no-
men armorum, paci studeamus & leges inducamus; queis relicte nobis
terra optimo publico gubernentur. Regnum, quod tenes, satis potens, satis

Hh

validum

validum est ad occupandum orbis imperium, si bene regatur. Salubre consilium secutus LIEUPANGUS repetundis in præsens supersedens, reliquarum terrarum rex SIAOHOU M Colaum suum facit, jubetque regnum ordinare. Quod ille sanè præstigit impensè, novóque regimine ac legibus inductis adeò potens opulentumque regnum efficit, ut postea LIEUPANGO vires ad omnem Sinam subjugandam sufficerint.

H I A N G Y U S autem neque hac modestiâ pacatus, nihil non egit, ut LIEUPANGUM vel inquietaret, vel ad bellum lacerret. At ubi vidit omnia sibi consilia & artes parùm contra illum procedere, CHANGLEANGO culpam attribuit. Et hunc quia tenere, quod optabat, haud poterat; CHINGUM HAN regem, cui subditus erat CHANGLEANGUS, agitare coepit. Hæc illo machinante, CHANGLEANGUS rerum omnium ignarus, à LIEUPANGO veniam expectat domum atque ad regem suum redeundi. Quippe hac solùm de causâ LIEUPANGUM secutus erat, ut regnum, è quo erat oriundus, pristino nitori, quomodounque posset, restitueret, deletâ CINA familiâ. Vix eò pervenerat, cùm H I A N G Y U S in HAN regnum impressione factâ, CHINGUM regem capit ac trucidat, illud potissimum criminatus, quod clientem suum ad LIEUPANGUM contra se ire permiserit. CHANGLEANGUS auditio se necati regis causam esse, pro quo tantum laboraverat; abjectâ cunctatione ad LIEUPANGUM redijt, iram H I A N G Y I defugiens, magno LIEUPANGI bono. Nam à CHANGLEANGO adjutus & H I A N G Y U M debellavit, & imperium postea universum obtinuit, ut infrà docebimus.

*Cyclo 42. anno
30 ante Christum
suum 204.
Quinque Pla-
netarum con-
sideris.*

Memorant Sinenses historici, ante vulgarem Christi epocham anno ducentesimo quarto sub initium anni quinque Planetas in loco sideris, quod CINA vocant, concurrisse. Quæ conjunctio modò ab initio Cancri usque ad Leonis initium extenditur. Verâne an ficta fuerit ea observatio, non dispuo. Nam ad calculos hæc subtiliter revocandi non fuit tempus mihi. Facient hoc lectores mei, quæ studium in ista curiosius inquirendi. Fortasse à Mathematicis Sinensibus conficta fuit, LIEUPANGI gratiam auctiabantibus. Nam ex eorum placitis hujusmodi siderum concursus promittit novum Imperatorem Sinas occupaturum, qui Sinicum imperium obtineat justè pariter ac regat.

Ceterum provinciæ Xensi partem illam, quæ propriùs Orientem spectat, quam, ut diximus, H I A N G Y U S à LIEUPANGI regno avulserat,

avulserat, tribus Præfectis, creatis à se Regulis divisiſt. Tribus unum nomen CIN erat. Primus CHANGHANIUS, alter HINGIUS, tertius IUUS cognominabatur. Ab his ergo, quorum operā cogitabat HIANGYUS LIEUPANGUM reprimere; iste imperio sibi occupando initium posuit, Præfecto ad eam expeditionem usus HANSINO, egregio beili duce, de quo mox plura, si prius, quis & qualis fuerit HANSINUUS, breviter explicavero. Quem fortuna velut pilam jactavit, ab infimâ mendici sorte sublatum ad summa, & hinc ad infima dejectum iterum, offerendo mortem ab ijs, quibus ipse saluti fuerat.

HANSINO natalis fuit HOAIGAN urbs, quā NANKING provincia Boream spectat, sita. Inibi in tantâ mendicitate erat, ut agrè vitam toleraret; hamo ad fluvium, cui urbs imminet, quærens victum. Exstat etiamnum illius eo loco monumentum fano perleganti, quod saepius ipse vidi, ejus in honorem exstructo. Et quia pescatus ei non sufficiebat alimentum necessarium, ab anu quādam PIAMUA nomine, coctam oryzam eleemosynæ loco accipiebat. Cui cùm aliquando beneficij memor gratias agens, diceret, Erit alii fortasse, ut sentias re de me bene meritam fuisse; tum illa non sine stomacho respondit. Tibi ipsi miser homuncio, bonus esse non potes; & jam de me cogitas? mihi benignè facturum spondes, quod stipem tibi præbeam? longe aberras à destinatione mea, non utique hoc agenius, ut aliquid abs te sperare possim, homine nullius pensi; sed salu regij nepotis, quo Calum ei servum propitium, est in consilio mihi. Me quidem nondum adeò despexere Cœlites, ut opus mihi sit remuneratio tua. Et certè merito suo iners habatur & inutilis ad omnia; quia, cùm procerò esset robustoque corpore, laboris tamen præ, ut tolerandum, impatiens erat. Et hoc amplius, quod, cùm esset ob infamem inertiam puerorum ludus, nil penitus movebatur. Donec tandem ludibrio non ferendo excitatus cœpit ad se respicere. Transiens enim publicum aliquando macellum, à puer quodam interceptus & per divaricata illius crura repere jussus est, nisi verbera mallet experiri. Cùm bipedum ignavissimus pueri cederet imperio; magni risus consequebantur. Inde irritatum ferunt, ac similis ignominiae in posterum fugientem, alienam regionem petitisse. Accidit sub hæc tempora, ut HIANGLEANGUS Zu regis dux, quo de suprà locuti sumus, HOAGIAN transiret cum exercitu. Hic secutus occasionem HANSINUUS militiæ nomen dedit, in hastatorum

HANSINUUS
fortissimi bellè
duca ortus.

Iuvenis iner-
tia.

Dedecore tan-
dem excusar.

torum adscriptus numerum. Pòst ubi per aciem cecidit H I A N G -
L E A N G U S , communi omnia clade; H I A N G Y U M ejus nepotem
sequi decrevit. Sed vano exitu, quòd eum, ut ajunt Sinæ, Cælum
L I E U P A N G O destinaverat. Itaque ad L I E U P A N G U M transiit;
at paulò pòst officio non sanè magni nominis functus inter milites, in
militiæ leges peccavit. Jämque morti destinatus extra castra duceba-
tur capite plectendus; cùm forte venientem L A C U M I U M militum
Præfectum videt. Quem vinctus magnâ voce in clamans, *An non est*
in animo, inquit, L I E U P A N G O Imperatori nostro potiri totius imperij?
quò spéctat igitur hec tam inconsulta severitas, ut generosos ac fortes mi-
litates mori velit, in quibus spes ejus ac felicitas potissimum nititur? Obstu-
puit audaciam constantemque in morte animum L A C U M I U S ; &
quid sibi vellet ejus oratio. facile animadvertis, simul & corporis ro-
bur virésque considerans, vitæ gratiam ei fecit, variósque cum eo de
militiæ sermones miscuit, ut fortasse, quos gereret spiritus, experiretur.
In eo colloquio nihil nisi generosum audivit ac plenum prudentiæ mi-
litari. Itaque de illo L I E U P A N G U M admonet, hominémque dilau-
dat ad magna natum. L I E U P A N G U S longo cum eo sermone habi-
to, vidénsque vera esse, quæ L A C U M I U S dixerat, H A N S I N I U M
vnâ ex majoribus præfecturâ donavit. Quo munere fungenti sæpe cum
S I A O H O O summo Præfecto erat loquendum; qui ejus dissertationi-
bus ac responsis mirificè delectatus, maximi faciebat eum semper, &
admirabatur. Inter hæc milites moræ ac quietis, quam desidiam igna-
viámque vocabant, impatientes, exercitum à L I E U P A N G O in suo
regno tamdiu detineri querebantur. Optabant enim, ut in Ortum
ductaret eum, reliquámque Sinam expugnando caperet. Cùm verò
nihil proficerent, L I E U P A N G O rem differente; multi militum, nec
non ducum aliqui, sensim in fugam dissipati, clàm signis illius se sub-
duxerant. Ipse denique moræ tædio victus etiam H A N S I N I U S , ca-
pessivit fugam, de quâ S I A O H O O certior factus, ipsem ocyus
eum insequitur; ac post biduum asseditus, secum ad exercitum redu-
xit. Interim suspicax fama vulgavit profugum quoque S I A O H O U M
esse. Quod ubi nunciatum L I E U P A N G O ; tanti viri jacturâ, nimis
propensè credulus, magnoperè indoluit, pessimo loco res suas esse
jam, obtinendique imperij auxilium se amisisse deplorans. Sed adeò
tandem cum H A N S I N I O S I A O H O U S ; quo statim Imperator ad se
vocato fugam lamentatur, et si ex alterâ parte illius reditu maximè la-
taretur.

HANSI-
NIUS mor-
tis reus.

Evasit.

Emergit.

Fugit otium,
ut ante labo-
rum.

taretur. SI AOHOU s causâ suâ fretus, Ut video, inquit, credulitatem tuam, Imperator falsis rumoribus addixisti. Calum avertat, ut adeo turpi fugâ, quam impingis mihi, polluam fidem meam! discessi à te, quid enim diffitear? at in consilio mihi nunquam fuit perfidia. Posteaquam nunciatum est mihi, HANSINIUM, ut reliquos fugisse; absfui aliquidisper, sed ut eum ad te reducerem, non ut te desererem, quem instar omnium habeo. Cui LIEUPANGHS, An' tu vero? non fugiebas? Ecquid hoc esse dicam, quod, cum alijs multi duces & HANSINIO majores aufugorint, ijs in neglectu hunc unum sequebare? quis non videt, quâm frivola sit hæc tua fuga, quâm non probabilitis excusatio? Tum SI AOHOU iterum, Quos reliquis fugitiis ducibus substituamus, alios nullâ re impares minimè operosum erit reperire; sed quem è toto regno excitabimus HANSINIO parem? Hic unus excellit omnibus; ad hunc profecte comparari potest nemo. Si opias, ô Imperator, crescere, si totum imperium tibi subjecere; HANSINIUM adhibe, sinu quo nihil unquam præclarè geres. Cum eo consilia constue: in quo fortitudo, prudentia, stragatum usus, & omnia summum tenent. Est ita sane, ut dicu, subjevit LIEUPANGUS; interim tamen copia mea dilabuntur omnes non ob aliud, quâm quod, cum ad Orientem Sinam adspirent milites, eos ego in regno meo otiosos detineam. Sed vide, quâm non justa sit hæc concisenâ fuga causa? num vos arbitramini me hoc uno regno contentum, hic ignavia velle marcescere? Mihi vero perinde ac vobis nihil jam pridem fuit optatus, quâm Austrum Oriûmque armis impetere; tempus opportunum exspectandum erat. Quod simul affulsi aliquando, & hac militibus expeditio placet; parebo non invitus eorum alacritati. Age igitur, ut ad iste accingant, edicito. Vocatum deinde HANSINIUM diligenter de ratione Orientis sibi subigendi gerendique universè belli rogat.

Militia præficitur.

Cum ad omnia respondisset ille perquam prudenter; eum summæ rerum expeditionique præfecit universæ, cunctis latantibus. Nam & ex cognitâ ejus prudentiâ ac fortitudine dignum hoc honore jam olim sciebant; & eo duce capiebant haud dubium omen victoriæ, magna quæque sibi polliciti.

Auctus eâ dignitate HANSINIUS, ad LIEUPANGUM gratias acturus accedit ex more. Ibi ad SI AOHOU M Imperator versus, Multa, inquit, præclara sape apud me de HANSINIO prædicasti. Nec ego abs te dissentio, illis, qua vidi, quaq; audivi, cum præconio tuo planè congruentibus. Optarem tamen, ut ipse, te præsenie, quâratione bellum

Hh 3

traditæ-

tractaturus sit. Tunc HANSENIUS, Bellum nobis est, inquit, adversus HIANGYUM, hominem indisertum & ore loquentem rusticō (dicens hoc ideo, quia non bene linguam Sinicam litteratis familiarem callebat, sed illam, quæ propria rusticorum ZU regni erat) nec alia re magis quam feritate nobilem. Inter homines vivens, quid homini ab homine debeatur, ignorat; & nequitia suâ sibi ipsi obest. Hominum vel virtutes vel vicia nescit a se mutuo discernere. Fiducia sui solidus, innititur soli sibi; minimè doctus ad aliorum se ingenia flectere, atque ad id, ad quod naturâ feruntur, admibere. Se unum omnia posse credit; dirutae quidem atque immanitate cedens nemini, sed germanâ fortitudine destitutus. Hunc talem non pugnando, sed contrâ nitendo solum facile superabimus, si viris fortibus & animosis militum præfectoras deferemus. Quos enim non vincemus hostes, si bene meritis præmia proponantur, excludantur indigni? & quis tali rerum statu non libenter sub Imperatore nostro merebit? ergo jamnunc jus, quod habemus in Orientis XENSI regiones, omnibus publicandum censeo, ne te aliena velle cogitent. Ecquis obstatere tam justo tam pio audebit regi, nisi iniquus? Revoca, quæso, in memoriam zeterrimi HIANGYI facinora; & cum pulcherrimus tuus factio compone. Ille plusquam ducenta hominum milia levissimam aut verius nullam ob causam inauditâ crudelitate uno die delevit; CHANGHANO, HINGO & Iuo, CINI regni perduellibus, qui sole cum sequuntur, per nefas eruptas tibi terras divisis; urbem exussit, palatum in cineres redigie, INGUM suâ manu trucidavit, sepulchra effudit, opes compilavit, infantes interfecit; & quid denique non fecit? Hinc illos nemo est omnium, quin oderit, & adhuc vivos adeò indignantium, ut imas ossium medullas penetret dolor. Hi, si vel tria vexilla tua fulserint, omnes eas sequentur; HIANGYUM nemo, quia nemo est ex toto regno, qui cum amet, qui non ab eo sit offensus. Ex adverso recordare, quæ tu egeris. Imperatorem tyrannum vicisti eo fortius, quod vivum servasti; quam fortitudinem ac pietatem omnes laudant. Palati splendorem imperiurebatum reliquisti; omnes animi moderationem admirantur. Optimas leges tyrannicis abditis induxisti; nemo est, qui te non exspectet ut parrem, nemo qui non expectat ut regem. Quid censes, Imperator? satne instruiti tibi videmur ad tergeminum etiam hostem obterendum? Ego vero, si modo liceat auspicijs suis ortum petere, tam facile tres CINOS debellaros tibi dabo, quam manum vertas. Illorum populi tuum exspectant vel zhorum adventum; imo enī vero, quod tardius venias, queruntur.

Dici

Dici vix potest, quām lētis auribus à LIEUPANGO accepta sit hēc oratio. Jāmque seipsum incusabat, quōd tam serō cōcepisset HANSI- NIUM noscere. Quare confessim, SIAOHOO ad regni custodiam relīcto, Orientem petiit; HANSINO supremo, ut antē dictum est, militum duce. Qui primo statim impetu tres CINOS vicit ac debellavit; ut idem fuerit, venisse, vidisse, viciisse.

Sed unā viētoriā non contentum longiusque procedentem comitata felicitas, ad NANYANG urbem adversum habuit UANGLINIUM ducem, LIEUPANGI civem & patricium; qui cum aliquot millibus ab HIANGYO deficiens cum LIEUPANGO sociavit arma. Quā defectione auditā HIANGYUS, matrem UANGLINII exactā senectute matronam compedit in vincula, ni filius redeat, certissimā morti destinatam. UANGLINII pro summā, quae filiorum est in parentes apud Sinas, obseruantia, marii suae timens, legatos mittit super hac re cum HIANGYO acturos. Captiva non modò cum illis copiam loquendi, sed etiam abeuntes per aliquod spatiū comitandū ab HIANGYO impetravit. Promiserat enim ei, se filio redditum persuasuram. Haud longē processerant; cùm jam liberior & medita- ta perficiendi facultatem nacta, legatos ita secretō affatur. *Quod haecen-
tus comitata vobis fuerit, causa est filius meus, in cuius causā ve-
nisti. Rogo vos, ut à me renuntietis ei, ne LIEUPANGUM deseratis,
sed maneat in fide. De me sollicitum esse nolo; ipsa mihi providebo, fa-*

*Mater pro fi-
lio captiva.*

*Seipsum in-
terimit.*

ciamque, quod anum decet inutilem respublica. Hoc unicum votum est meum, ut filius meus LIEUPANGO regi serviat justo ac pio, non HIANGYO tyranno. *Hec, inquam, filio meo renuntiate. Et cum dicto pro-*

*ximi legati repente gladium corripiens, in hunc vi summā incubuit,
seque ipsam transfixit; deletura sanguine suo sollicitudinem filij. Mi-
randum in feminā, sed non imitandum exemplum!*

Hiangleangus interea, dum LIEUPANGUS Orientis oras sub imperium suum ditionēmque subjungit, ut aliquantis per HIANGYO cohereret arma, ne tribus CINIS esset auxilio; LIEUPANGE nomine litteras ad eum dedit. His significabat illum non aliud armis querere, quām ut à ZU rege promissas sibi terras recuperet, quae omnī jure ad se pertinebant. Id enim ZUUS jam declaraverat. Illas postquam omnino potestatis suæ fecisset, reducto exercitu nihil amplius moturum esse. Non enim aliena se, sed sua querere. Nihil ad ea re-
spondit HIANGYUS. Nec spatiū erat maximam prōditionem machi-

machinanti; quâ se totius imperij poritrum esse sperabat. Ex quo enim Zu rex LIEUPANGO C in regnum adjudicaverat; & regi & LIEUPANGO insidias comparare non destitit, ut solus occuparet imperium. Et HAN regnum præsidij munitum sibi jam detinebat. Relictis igitur provincijs contra Boream jacentibus, KIEUKIANG provinciæ KIANGSI urbem ad Austrum redierat. Eò venientem ad se Zu rex a subditos, quem extulerat, occidit.

ZUUM perfidiosè necari jubet; illum ipsum, quem ejus patruus regem ZU fecerat, ipsèque Imperatoris titulo paulò antè donaverat. Adeò periculosè Principes faciunt, extollendo subditos ad nimiam potentiam, nisi subinde castigent, ipsis etiam regibus formidabilem. Nam qui sunt hujusmodi, sæpe beneficij ac fidelitatis oblieti, non secus ac struthiones ferrum, aliena devorant. Audito tam immani facinore LIEUPANGUS arripuit occasionem bene agendi rem suam; &, ut omnium animos devinciret sibi, tanquam à virtute stans ac pietate, regijs manibus ingenti pompa, Sinicò more, parentavit. Omnes deinde fidos regis Præfectos ac subditos ad ultionem perduellionis exhortatur, invitans ad se, suásque vires, quantiscunque valebat, promittens. Venirent modò, séque de perfido HANGYUO omnium nomine poenas diu debitas expediturum juvarent. Ferendum enim non esse, ut impune abiret, occidisse regem suum. Statueram quidem, ajebat, tradita mihi ditione contentus nunquam inde cedere, bellum alijs movendo, nec alios vexare. Nunc verò HANGYUO armis & viribus omnibus persequi certum habeo. Nam illud bellum, opinor, nemo dicet injustum, quo perduello in regem suum petitur ulciscendus. Neque vestra in regem vestrum, inque regnum amor ac fides dubitare me finit, vos omnes signa mea summa voluntate secuturos. Quanquam illa non tam mea sunt, quam regis nostri, cuius in causâ ea explicabo.

Longissime
ponte juncti
montes.

Itaque pacatâ jam XENS I provinciâ & usquequaque subjectâ LIEUPANGUS ulteriùs tendit, HANGYUO rectâ petens. Atque ut rectius esset iter ac brevius in Zu regnum, è CHANGLEANGI consilio admirandam illam inter montium amplexus viam stravit è ligno, quinquaginta ferè leucas longam, pontis in modum planam, & ab oppido, cui nomen HANCHUM ad usque SIGAN metropolim pertinenter, cuius pleniorē descriptionem in extremæ Asiæ Atlante deditus. Illâ tempestate HANGYUO C regi bellum moverat, quod per ejus ditionem planius haberet adversus LIEUPANGUM iter. At LIEUPANGUS ad victoriam habuit prona, quacunque transibat, omnia.

omnia. Jamque illius exercitus in immensum excreverat, quingentā & sexaginta millia numerantis. Cum his ad PENGZU regni urbem pervenit, quæ magno erat ad totum bellum momento. Præfetus urbis sine morā LIEUPANGI amplexus imperium, dictionem subiit. Annona multa in ea urbe magnæque sunt opes repertæ. Quia vero multarum deliciarum locus erat, hæsit Imperator ibi multos dies; ^{Deliciae milles.}
haud expendens, quantum voluptate virtus militaris emolliatur. Ad ^{tum pernicio-}
^{sa.} hoc curam victori quoque necessariam HANGYI, cuius exercitus procū aberat, contemtus, belli semper maximè pericolosus, laxaverat; & plerique militum amœnos ad Orientem campos urbi viciniores petierant. Ea res LIEUPANGI propemodum exitialis fuit. HANGYUS enim de hoc rerum statu doctus, cum triginta tantum millibus, reliquo exercitu contra CIUM stante, magnis itineribus inopinatō veniens LIEUPANGI copias late sparsas ac delicijs marcenates invasit, nulloque repellente vim, in fugam dedit. Dein eodem impetu urbem, in qua LIEUPANGUM esse audierat, aggreditur. Sed admonitus Imperator in tempore, dum HANGYUS instat fūgientibus, illam bene præmunijt. Quare cūm HANGYUS serius admovisset exercitum, quām expediebat spei sñæ; nihil secūs eam arcta obſidione cinxit. Ac planè pertinacibus armis evicisset illam, unde jam de LIEUPANGO conclamatum fuisset; nisi, quod ajunt SINAE, Cæli decreto servaretur, quod ei destinaverat, imperium. Nam die quādam horrido Aquilone flante sævissima tempeſtas excita dominus quamplurimas diruit, & annosas etiam arbores dejecit. Subter harum unam ad eum usque diem ignotam patuit via subterranea, quam Imperator cūm suis ingressus, confectis aliquot stadijs, æmuli manus evasit, ejusque beneficio tandem incolumis ad YUNGYANG amicam urbem pervenit; ubi cūm suis erat HANSINUS, fugitivum colligens exercitum. Hic novos etiam milites Imperator evocavit è XENSI, quēis adjuncto sibi HANSINO haud paulò majorem quām erat antea, exercitum confecit.

Postquam ē civibus cognovit HANGYUS, LIEUPANGUM, quem unum quærebat, evassisse; fremens irā, celeriter quoquoeversum dimisit, qui vijs omnibus interclusis eum comprehendenderent. Sed in cassum cecidit omnis labor. Denique comperto eunt ad YUNGYANG cūm potenti exercitu esse; protinus omnes suos milites ē CI regno recocat, &c., ut era; audax & intrepidus, magnis itineribus eam urbem

LITERA PETIT.

*Sub arbore
via subterranea.*

petit. Adventantem fortiter exceptit LIEUPANGUS, apertóque Marte, quā urbs adversum habet Orientem, cum eo conflixit. Magna utrinque contentione, sed Marte dubio pugnatum; donec tandem cedere coactus HIANGYUS cladem, quantam antea nunquam, accepit. Ipse tamen fugâ salutem invénit, ad plura bella reservatus.

Hac insigni partâ victoriâ LIEUPANGUS, quod facilius annona castris importaretur, ingentem fossam ac navigabilem ab urbe duxit usque ad fluvium, utrāque ripâ quadratis lapidibus constratâ. Sic enim commodiū expeditiūsque naves ab hominibus remulco trahebantur, ad quem laborem non equos aut bubalos adhibent Sinæ, cùm est adverso flumine navigandum.

Posthac ad continuandum securius bellum successorem declarat INCUM natu majorem filium, & in ejus obsequium jurare jubet. Huic à consilijs SIAOHOUM in provinciâ XENSI reliquit, ut illam suo nomine regerent. Tum nomen Imperatoris assumens, totum imperium subjecere sibi decretum esse palam enuntiat; regibus eâ conditione permisso, quo tunc potiebatur quisque regno, ut se Imperatorem agnoscerent. Sin id detrectarent, bellum minatur. Et primò legatum misit ad PAUM GUEI regem, ut viciniorem, eique regnum addixit eâ lege, de quâ primum docui; præterea, ut ad se venerandum ex more adesset, invitans. Se urbem imperatoriam, se sigillum, se insignia imperij reliqua habere. Utrumque recusante GUEIO, res ad arma venit; missò cum valenti exercitu contra eum HANSINIO. Quem LINCI N I fluminis transitu prohibitus GUEIUS, cunctis navibus properè subductis, omnem ei trahjendi amnis facultatem præripuit; valido insuper cum exercitu custodiens litora. Diu tamen HANSINIUS transitum tentavit; at nequidquam. Interea nihilominus observavit PAUM non agere contulerit in castris; sed ad villam stadijs aliquod inde distantem sèpe animi gratiâ secedere. Itaque cùm naves obtinere non posset; magnis arboribus excavatis lîtres facit, & obscurissimâ nocte militum manum trajicere fluvium jussit incautumque in villâ regem obruere. Celsit ex animi sententiâ consilium; eadémque nocte regem in manibus transmittens, repentina impetu invadit hostem. Qui cùm captum esse regem audirent; omissâ sui defensione terga verterunt. HANSINIUS autem victoriam persecutus paullq momento totum regnum obtinuit.

*Captiu PAU^s
GUEI rex.*

Hinc

Hinc victor YUNG-YANG imperatoris conveniendi causā profectus, cum eo de subigendis reliquis regnis consilia contulit; copiisque, quas jam habebat, insuper triginta millium numero auctis duo regna CHAO & YEN vel debellaturum se, vel ad Imperatoris obsequium revocaturum promisit. Illis triginta millibus CHANGULUM præficit; qui olim à CHIN YO armis ejactus est regno CHAO, Imperatorem postmodo sequebatur. Sperabat enim HANSINIUS eum res præclarè auctorum contra CHIN YUUM regni CHAO tunc Colaum; quippe cùm & infensus ei esset, totumque regnum percognitum habere.

Adventantibus ivit obviā CHAUS per CHINGUM, quem ei bello cum amplā potestate præfecerat. Virum acrem egregiumque ducem, & qui totum CHAO regi suo regnum subjecerat, CINAe familiæ devictis copijs omnibus, quā de re suprà in transitu quædam attigimus. Magno præterea generosoque erat animo; nunquam induci se passus, ut in hostem, quæcumque occasio fulgebat, ugeretur strategemate, quod diceret se ducem esse, non latronem. Et neminem aperto Marte timere; nec ad fallendos, sed verā fortitudine vincendos hostes natum. Hæc animi magnitudo extremā calamitate illum affecit. HANSINO rem astutè & callidè gerenti denique subjectum. Poterat quidem prælio suffocare solā fame HANSINIUM, si LIZO ducis sui consilio pareret. Hunc enim in modum ei suadebat.

*Chinicus nuntius
quam strata
gemata usus.*

Quo cruentum trahimus bellum, quod facilimè potest ac propè sine armis confici? Nam nec HANSINI miles numerosus sanè, jāque viatoris assuetus, quamvis tuā virtute vincatur, sine sanguine tibi cedet viatoriam; & solā fame superari potest. Absunt à suo regno nunc plus quam mille stadia; unde non sine summis difficultatibus tam locorum intermissione spatio suppetet annona tanta multitudini. Sententia mea fuit, ut fidum ducem cùm triginta millibus eorum tergo immittas omniaque interclusas itinera. Neque enim te later viam per CHINGKING arduissimam ac longissimam esse, quā incedentibus ob angusta vallum & saeva montium ordines servare non liceat. Hanc vallem, quam longè porrigitur, omnem ita fossis insuper impediens, ut & progressuris impervias sit, & à tergo clausis negatæ vel ad redditum vel ad annonam aliunde pertendant via. Nos in eis castris bene munitis nostros continebimus, detrectantes prælium. Sic malleū inter & incudem positus hostis, extabescens que fame viatoriam nobis offeret pene dormientibus. Si placuerit hoc consilium tibi; tum enimvero meum erit nondum elapsō mense, salvo tuis omnibus,

omnibus. HANSINI CHANGULique capita ante pedes tuos projicere. Salubre consilium erat, & quod maximè timebat HANSIUS. Anxius enim hac curâ, militum illam manum ad custodiendam vallem dimiserat, et si LIZOI consilium proflus ignoraret. Sed, utur etat, CHINYUUS illud obstinatâ magnitudine neglexit, præterquam aperto Marte non audiens aliam proeliandi conditionem; illud unum ad hostem cædendum sibi satis esse dictitans. Interim HANSIUS ab exploratoribus, quos apud CHAUM habebat, de LIZOI consilio præmonitus adeò vehementer extimuit, ut redditum eò, unde venerat, meditaretur. Neque enim dubitabat, se, si subsisteret, interclusum iri. Sed hoc consilium sollicito pavore versantem de CHINYU responsu nuncius retinuit. Minime tamen sibi cunctandum ratus, sed acie primo quoque tempore decernendum; ad solitas artes versus, justissimum ac fortissimum Ducem CHINYUUM stratagemate succussit, in quo uno ponebat spem victoriae. Itaque rem orsus est in hunc modum. Equitum bis mille sequi se jussis, ad CHAI regis castra propius accessit; multis rubro colore vexillis convolantibus. Illic collis accumbebat in hostem pugnaturis perquam commodus; &, quod tunc maximè spectandum, in eo stare poterant, ut hostium extra conspectum essent. Hoc loco illis commonistrato, in castra sua reversus eos sic alloquitur. Postero manè ante solu ortum locu ille vobis petendus est; ubi latebitis, quoad hostium castra vacua videatus. Tum decum ex insidijs consurgentis illa suggestemini, disiectisque CHAI regis vexillis nostra rubra surrigetis. Hoc vestrum erit munus; cetera mea cura relinquite. Illi hoc se facturos recipiunt, sed non sine risu. Quo enim pacto die sequenti vacua hostium castra nanciscerentur? Tunc HANSIUS. Quo pacto, inquit, vacua sint futura, vestrum non est modo scire; tantum meminisse vos jubeo, partes vestras esse, ut ea ingrediamini. Quibus dictis ducem eis assignat virum forrem atque magnanimum, ab se jam edictum de eo, quod facturus erat, nemine præterea ejus rei conscio. Sub medium ergo noctem omnes corpora curare jussos, dein ad demonstratum locum reduxit. Illic imperatâ eis mansione, ipse ad exercitum redijt, ac decem militum millia duos inter amnes, qui continentem in arctum compellunt, posuit. Simul, quid eis agendum, docet; imperatque, ut inibi divisi duas in partes in ambabus ripis fuderent armis instructi. Tum ubi se fugientem reliquo cum exercitu viderent, transitum sibi per medium darent; sin hostes inseque-

insequerentur, ut se in medium recepto tantisper illorum impetum sustinerent, dum suos in ordinem redigeret. Hoc enim consilio se fugam simulatorum, terumque facie mutata obviā iturum instantibus. His in hunc modum constitutis, summo manē ac priusquam luceceret, cum reliquis copijs, sine strepitu ac mutis instrumentis castrisbus non procūl ab hostium castris transibat. Quem alij quidem prœlium poscere autemabant; CHINYUUS verò credens eum fugere, suos optimè compositos & instructos educit è castris, HANSINIUMQUE vi magnā invadit. Non diu pugnatum; & HANSINIUS de comparato consultoque terga vertit, &, quoad ejus fieri potuit, servatis ordinibus properat ad illa decem millia, quæ latebant in insidijs. Non dubitabat amplius de victoriā CHINYUUS; & fugientes ad internacionem deleri posse credens, audacissimè inequicuit. Sed ecce! cùm ad angustias venit illius loci, quem insidebant HANSINIANI; nihil dum fraudis subesse suspicatus progreditur, pedetentim tamen, & contractis ordinibus, quod, quò longius procedebant, hòc arctius eis spaciū esset. Ut primū in conspectu fuere; tum decies mille, de quibus dictum, impetum irruentium haud modicè frangunt detinentque. Interea toto HANSINI exercitu se vertente, atrox utrinque prœlium committitur.

Jámque paulò longius à castris aberat CHINYUUS, in quibus præter impedimenta paucosque ad custodiam milites nihil reliquerat. In hos duo millia post collem latentia irrumpunt, ut imperatum erat, castra ingrediuntur vacua, dejectisque vexillis hostilibus inibi sua collocant. Horum omnium ignarus CHINYUUS exercitus egregiè atque ut tanto duce dignum, resistebat HANSINO; & admodum anceps prœlium erat. Sed ubi motum ac tumultum in castris esse audiunt, rubraque vexilla totis castris fulgentia diligentius observando vident; non dubitantes id quod erat, occupata castra, repente animis concidere. Hostem à tergo supervenientem timebant. Hinc ingens orta confusio. Nemo jam publicum bonum curare; omnes sine ordine, sine imperio de solâ fugâ, de salute suâ quisque cogitare. Statim ea res advertit HANSINIUM, ut erat astutus in primis; exhortatúsque suos ad maturandam victoriam, & impetu recollecto atque adeò majore vehementius in hostem iterum invehitur. Cadunt miseri passim, aut effusissimâ fugâ salutem querunt, horrendâ nihilominus cum strage; quippe ad ducenta millia desiderati. CHAI rex ipse vivus in victoris

Magna clausa

potestatem venit; CHINYUUS fortiter pugnando, invictus hucusque miles, occubuit.

HANSINIUS autem ubique fugientium in tergis hærens, omnes trucidari jubet, præter unum LIZOUM; cui nequis uspiam noceret, severè militibus edixerat. Pollicitus insuper ijs, qui vivum ad se adducerent, argenti mille libras. Sulpiciebat enim in viro prudentiam, animique robur ac bellandi peritiam singularem; eumque sperabat ad Imperatoris partes posse traduci. Neque spes eum sua destituit. Quippe milites allesti spe præmij, captum denique, sed reverenter habitum deduxerunt ad HANSINUUM. Quem tanquam civem suum natumque grandiorem, ut mos fert Sinarum, primum ei locum cedens, iussit assidere sibi; tum ut Præceptorem suum veneratus, alloquitur in hæc verba. *Vivum te videre posse prima felicitatis in loco repono, asti moque pluris quam totam vel quancunque pars ejus ad me spectat, victoriata, quam reportavimus. Spero enim fore, ut abs te multa discam; cuius virtutem atque consilia omnes admirantur. Sed ante omnia ex te duo scire aveo. Primum quo pacto YEN regnum obtinere possim; alterum qui CI quoque regnum sub imperium subiungam.* His enim duobus bellum inferre me jussit Imperator. Ad hæc LIZOVS, Optime dux, inquit, PAUM regem GUEIQUE regnum jam subjugasti; modo CHINYUUM invictum adhuc bello ducem superasti; & ad quam laudem adipiscendam alijs ducibus totus hand sufficiisset dies, tu ante diem (incredibile dictu, nisi nos testes coegerissemus esse felicitas tua) unius aurora infansta nobis luce plusquam ducenta hominum millia occidione delevisisti. Et tu post tam multiplices tamque præclaras victorias adhuc meditaria bella? quid tibi cum armis, quorum terrori per totum orbem pars rex YEN ultro ceder? Video tamen esse nonnulla, qua tibi officiunt ad victoriam; alijs quidem certè solent. Milites tui à pugna lassi sunt; ac prædā opulentī sine dubio quietem aliquam expectant. Et ingratum eis erit fortasse, longius à patria discedere, regnumque YEN intrare recusantibus. Ut nihil dicam, CIUM interea suis rebus providentem, quantiscunque poterit viribus ad bellum imminens se paraturum. Addes quod te minimè fugi, HIANGXUM capitalem Imperatori hostiis denuo cum valenti exercitu adventare; non sanè spernendum progressibus tuis obstaculum. Quod ergo lique alieno metu consequi te posse; tuis turbatum ibis armis? Non hoc facies, non, mi dux, si te amabis, si me audies. Quid igitur est illud, quod abs te impræsentiarum velim? Primum, tuis militib[us] aliqua quies esto, quā fortis

fortes serventur alacresque ad futura. Dein ad YENEM legatum missito, persuasum ei, ut CHAI regis damno doctus Imperatorem agnoscat. Postquam enim ad eum pervenerit fama victoria, quā modo potitus es, fama fortitudinis, quā praditus es, fama exercitiū, cuius audium non men principis est victoria; ne dubita, quin ad hanc consequendam certa futura sint pronissima. Fecialem ergo præmitte metum: qui si nibil efficiet, tum demum vires adhibebit, frustra dolentibus cogi se facere, quod sponte debuerant. Paruit huic sententiæ HANSIUS; nec diu factum, & obsequentiam eventus laudavit. Quippe statim YEN rex in Imperatoris potestate fuit, missisque legatis regnum ei vestigale sēque clientem ultra fecit.

His victorijs latus Imperator, multū tamen adhuc HANGYI, potentia solicitabatur. Ille namque occiso Zuge suoque, per quosdam Praefectorum fidiores, & affines totum illud regnum occupaverat, potentissimum, Australes provincias omnes ferè complexum, amplitudine præterea, militumque ac populi frequentia cunctis Imperatoris viribus superius. Eapropter Imperator audiens illum nova parare bella; non immerito curas in eum omnes intendit. Erat inter Imperatoris consiliarios Philosophus quidam CHINPINGUS nomine, quem ex infimā pauperie, ob doctrinam ac prudentiam Imperator ad magnos honores evexerat. Hic, ut acutissimi erat ingenij, tale subinde contra HANGYUM consilium dedit. HANGYUS, quod scī, inquit, est homo inquietus, pervicax, insolens aquè ac perfidus. Quæ tamen artes, tantum abest, ut ejus potentiam infregerint, ut eam potius firmasse videantur. Sed nimirum in Praefectorum fide constat ejus felicitas; AFUI, dico, CHUNGNANI & LUNGCEI. Quare Prudens & nobis impensè laborandum est, ut vel hos ad nostras partes sequendas alli-^{stitutum cond}ciamus promissis; vel, si haec neglexerint, apud HANGYUM in infidelitatis defectionisve suspicionem vocemus. Quod si cui difficile factu viderit; id ego munus pro Imperatore meo mihi deposito. Eisi enim negotium istud multis difficultatibus circumseptum esse video; una tamen ad id expediendum saltē non erit difficultas via. Quanam illa? præceps HANGYI ac varium ingenium; & præcipue, quia parum jam sute fidit. Multos ad te defecisse videt, exceptosque perbenigne. In summa, pecunia, cui omnia parent, opus est mihi; quam si accepero, rem ad exitum, qualem optas, adductam tibi dabo. Probavit hoc consilium Imperator, ejusque fidei acquiescens, argenti libraturum quadraginta millia tribuit,

tribuit. Hinc CHINPINGUS ad illos tres Præfectos cum muneri-
bus certos homines de negotio bene doctos mittit, eosque jubet in
hunc modum alloqui. Multa sunt à vestra fortitudine ac fide in HIANG-
YUUM profecta merita; quies longè minoribus magnum esse apud Imper-
atorem pretium, magni honores. Ab HIANGYO vero debita vestra
virtuti pramia nec accepisti adhuc, neque in posterum accipies. Quid
enim? an scissurum putaris eum regnum suum, ut vos creci regulos? Ne
laetate spe vos tam inani; neve ab illiberali, nec pecunia tantum, sed domi-
nationis etiam nullum consortem passura cupido regni partitionem ex-
spectate. A nostro cōquē solo Imperatore dignitates hujus fastigij sperare
vobis licet, liberalissime suos remunerante. Cujus rei documentum si for-
tè queritis; enī tribus vobis Zu regnum universum promittit dividendū,
si deserto HIANGYO ad se transeat. Hæc summa legationis
erat. Haud ignorabat interea CHINPINGUS, HIANGYO Præfe-
ctos verò fideles esse, neque pollicitationibus constantiam eorum la-
befactandam. Neque adeò tamen occultam esse voluit hanc legatio-
nem CHINPINGUS, ut HIANGYUUM lateret; immo enim verò, ne la-
teret, id maximè spectabat. Nec eum spes sua falsum habuit. Ex eo
namque tempore Præfectorum HIANGYO formidolosa fides esse co-
pit. Auxitque suspicionem alia CHINPINGI major astutia; cui
materiam Aruuus primo apud HIANGYUUM loco dux fortissimus
idēmque nobilissimus præcipuum suppeditavit. HIANGYUS enim,
dum hæc fierent, collectis magnis iterum copijs bellum resumit.
Itaque, ut ad omnes erat occasio promtissimus ingenio, singens
aliò se tendere, repentinā obsidione YUNGYANG urbem obsidet.
Imperator, obsidionis causa, cum paucis in urbe morabatur; quem
proinde adegit adeò, ut secum de pace tractaret. Jāmque in eo res
erat uti divito Sinico imperio pacem componerent. HIANGYO pro-
vincias ad Austrum omnes, Imperatori autem non nisi ad Boream ja-
centes pacta destinabant; imposita præter hæc isti conditione, regibus
ne moveret bellum. Sed in tempore CHINPINGUS ad suas artes ver-
sus, coēuntia in Imperatoris perniciem feedera dispescuit; Aruuu pe-
nitūs ab HIANGYI partibus avulso. Id contigit in hunc modum.
Affili milita-
tos.
CHINPINGUS missos certos homines quasi de pace per eos acturus,
ad HIANGYI tentorium rectâ properare jussit, cum munib⁹ ac
mandatis, ut rēgem solito debitōque ritu excoletent; at quamprimum
in HIANGYI conspectu essent, se non ad ipsum, sed ad Aruuum mil-
tos

sos esse diceerent. Et habuere destinata successum, AFUUS quippe, licet insens, iniquâ perfidiae suspicione percussus, at sceleris conscientiâ intactus, H I A N G Y U M convenit, & in fidei suæ testimonium urbem unius horæ spatio capturum se pollicetur. At jam deleverat fidem AFU I, fide sâpe superior, in H I A N G Y I mente suspicio, timensis, ne cum suis ille deficeret ad hostes. Eapropter AFUUS copijs suis omnibus H I A N G Y O traditis missionem petijt; indignatus ei servire, qui sibi non fideret, néve pejora cogeretur ab H I A N G Y O, qui potens irâ non esset, experiri. Postquam impetravit, quod petierat, tum ad amicos, *Cui debeat imperium*, ait, *jam Calo decretum est. Quid ergo frusta laborem? ad meos me cives recipiam, in quiete reliquam etatens acturus*. Sic AFUUS ab H I A N G Y O discessit; at, quô tendebat, haud pervenit, in itinere vel mœrore, vel veneno potius extinctus.

AFU I discessus H I A N G Y U M inter & Imperatorem pacem distinxit; unde continuabatur urbis obsidio. Jamque PUNGUE NUS Imperatoris dux provinciam HONAN ingressus, oppida Zu regni septendecim ceperat eo animo, ut H I A N G Y U M ab obsidione revo- caret ad defensionem regni sui. Sed ille, cui petebatur unus Imperator, non jam de regno laborabat; eo vel capto vel necato, et si amisisset etiam reliqua, facile se recuperaturum sperans. Et sanè summis Imperator in angustijs erat; neque solvendæ spes obsidionis ulla pro- mittebatur. Quippe illius exercitus auxilio tum adesse non poterat; HANSINIO Boreæ plagiis infestandis longissimè distante. Actumque adeò de Imperatore jam fuit, nisi KISINUS ejus dux ante omnes fidissimus, tunc obfessæ Præfectus urbi, voluntariâ morte Imperatori patefecisset ad salutem & effugium viam. Videns enim H I A N G Y U M in obsidione durare pertinacissimè, nec ab HANSINIO tam longè agente suppetias exspectari posse; salutem Imperatoris in solâ fugâ posuit. Hoc itaque cum validissimâ equitum manu ad occidentalem urbis portam aliquantis per stare justo, per obversam Ori- enti portam interim egressus ipse cum H I A N G Y O de ditione transi- git, eumque per eandem portam in urbem admittit, pollicitus Imperatorem ei se traditurum. Exfilijt omnis ad hanc famam gaudio H I A N G Y I exercitus; ac statim quisque primus ad prædam, ut fit, in- gressum per eam portam, quæ patebat una, distans ab occidentalî plusquam leucâ, tentare coepit. At Imperator interea cum equitum manu per illam portam effugerat, Quem H I A N G Y U S urbem ingres-

*Kisinus dux
belli Impera-
torem servauit*

Kk

sus

Enitio suo. sus cùm impéraret ex promisso sisti sibi; KINSINIUS haud minùs candidus erga hostem, quā erga dominum fidelis, eum clandestinā fugā salutem quæsiſſe respondit. Quo audito fremebundus iraque præcepſ H I A N G Y U S è vestigio K I N S I N I U M , ut consiliū authorem, comburi vivum jubet.

Mox intactam urbem relinquens, cum exercitu fugientem, quantis potest itineribus, Imperatorem persequitur. Ac parum absuit, quin eum ad exercitum HANSINI rectā tendentem assequeretur. Præterquam enim, quod instaret illi velocissimè; ad CHINGCAO insuper urbem itinere breviori pervenit, è quā paulò antē Imperator exierat. Illam H I A N G Y U S primo statim impetu expugnat & in Imperatorem, quem, iterum delusus, audierat in eā latere, diligentissimè inquirit. Tandem ubi pro certo comperit, Imperatorem evasisse denuo; impotens iræ, tantum non seipsum dentibus & unguibus dilaniatum ibat. Non est ausus tamen cum defatigato, nec integro exercitu progreedi ulterius; timens etiam HANSINIUM, quem jam adventare cognoverat. Eapropter sequentem militem exspectabat; omnibusque collectis copijs HANSINI stratagemata fugiens Zu regnum repetit, PUNG YUENUM ejecturus inde, qui multa inibili loca felicitate armorum sua fecerat. Ita re infectā coactus est in regnum suum redire; magnā ex parte jam non suum. Sed nos ad Imperatorem redeamus.

Ille sub auroram veniens ad HANSINI castra, ubi cognovit & HANSINIUM & CHANGULUM adhuc indulgere somno; militibus imperat, ne quis eos expergefaceret. Eorumque tentoria solus ingressus aufert præfecturæ sigilla, dataque operâ stationes militum ordinemque permutat. Expercitur inter hæc CHANGULUS prior; quem pigritiam suam excusaturum Imperator amicè compellans: Qua so te, inquit, ut te plūs dormitum recipias. Scio te fessum; excubias ego pro te agam. Nec polluam tamen majestatis decus, etiam si præpostero in speciem obsequio miles siam subditi mer; quippe in quo sublimior maje state virtus eluet. Hoc tam amico modestoque dicto ex eorum annis (nam & alter ex parte aderat) omni absterto metu, suam ignaviam erubescentes ad alacritatem traduxit. Cognito dein H I A N G Y U M Austrum repetere; quod nihil admodum esset, cur posthaec cum haberet in metu, CHANGULUM cum parte exercitus ad CHAO regni jam armis recuperati custodiā misit, HANSINO cum reliquis

quis copijs jussō contra Cium tendere. Nam ex ijs qui ad Boream regnabant, unus hic rex erat, qui LIEUPANGUM nollet Imperatorem agnoscere.

Cum HIANGYUS in Austrum adversus PUNGYUENUM iret, ZAOKI EUM urbi CHINGCAO, quam ceperat, cum valente praesidio imposuit, severè mandans, ne illinc excederet unquam ad prælium, si quod Imperatoris exercitus forte posceret; sed tantum ut opidum bene muniret ac tueretur. Hoc faciebat eo consilio, ut Imperatorem inibi teneret, donec è Zu regno PUNGYUENUM in totum exegisset. At Imperator nondum à suis peti volebat Austrum; ne gentes, quæ ad Boream incolunt, necdum usquequaque subjectæ vel quietæ, turbarentur. HIANGYUS autem progrediens ad VAIHOANG urbem, quæ prima defecerat è Zu regno, devenit, ac post paucorum dierum obsidium cepit. Hanc, quia prima erat, quam recuperavit è rebellibus, funditus detere decreverat; in unam triste documentum daturus, quo reliquæ saperent omnes. Sed ab ejus civitatis puer quodam annos natu non amplius tredecim placatus, abstinuit à maleficio. Quod te minimè latet, ajebat puer, PUNGYUENUS urbem nostram arctissimā obsidione pressit; nec obfisti à nobis ei poterat. Cum ergo nihil esset, quò nos tueremur; satius est usum experiri victoria clementiam, quam inutili pertinaciā vim expectantes extrema pati. Hec nobis causa deditonem suauit; te redeunte pristinam quoque libertatem redituram haud ambigentibus. Sin è diverso non regem te, sed hostem habebimus; quid agent civitates cetera? quam fugam pari culpa, si culpa tamen est, quam necessitas imperavit, invenient? Multæ super sunt adhuc urbes, que sub PUNGYUENI jugo gemunt, optantque vincit suis armis. Si tam severè consules in primam; quam ceteris putas reliquam spem salutis fore? imò ultimā desperatione affecta in te consurgent, inferentque bellum pacem offerenti, quam nunquam credent à fumante adhuc iracundia provenire posse. Magnum omnino, mihi crede, negotium tibi facessent, si pergas id, quod pietate potes atque clementia consequi, savitā corrumpere. His dictis puer ferocem animum delinivit.

Imperator interea, licet HANSINIUM contra Cium regem jussisset progredi, legatum tamen præmittendum putavit. Is LIEKEKUS fuit, à quo regnum illi promittebat ac pacem. si se Imperatorem agnosceret, inque suam fidem concederet, ab HIANGYI partibus amicitiaque discedens. Porro legatus ita Cium allocutus esse

Kk 2 scribitur.

Pueri pruden
oratio urbi
veniam impe
ratore

scribitur. Si apud alium, quam apud te imperij gnarum agereim; habenda mihi longa esset imprestantiarum oratio, atque adeò præteritorum proximè annorum reperenda historsa. Nunc summa negotij, quod Imperator meus mihi commisit, in hoc consilii. Ille primus fuit, qui C I N A M familiam armis anie de vi etiam extinxit; ille primus imperatoriam urbem occupavit, imperiisque signa se penes habuit. In hac felicitate acquiescentem, nemini molestum suoque contentum subegit; imperij commune contra perduellem H I A N G Y U M & quietis impatiens bellum resumere, debitus interfeci: Zu regu ab eo pœnas expediturum. Nulla utique savienti libidine; quam ab ejus moribus abhorrire longissime, testes laudare possum, quotquot adhuc ab illo perquam liberaliter accepti, potius ejus pietatem experiri, quam arma voluere. Omnes præterea, quicunque probitate ac doctrinâ excellunt, illum amplectuntur, illius justitiam amant. Ab his artibus, pro Calum! quam diversus abit H I A N G Y U S? Hic imperium ambit, hic regis sui parricida est, hic omnem Sinam armis perturbat. Malefactorum quamlibet tenuium memoriam non nisi sanguine delet, mortitorum recordatio nulla, quid enim dicam, remuneratio? Hinc invisu est infestusque bonis omnibus. Et hunc talen tu antepones Imperatori amicitia? ejus inquam Imperatoris, qui victore potentissimoque cum exercitu modo tuum regnum invadens, vim tamen inferre non cogitat, si perduellem, si latronem, si parricidam deserat, & ab optimo Imperatore sine armis vinci velo, hoc est, regnare. Postquam legatus dicendi finem fecit; respondit Cius, amicum Imperatorem se, quam inimicum male, sub ejusque imperio se obedienter ac fideliter futurum recepit.

Eodem tempore C I regnum jam ingressus H A N S I N I U S, istius legationis auditio successu redditum meditabatur. QUAICHEUS vero flagrans odio C II regis, H A N S I N I O callidissime persuasit, uti promoveret arma. Quid hoc esse putem, inquit, fortissime dux, quod cogitas redire? Tot itineribus vexatos milites victoria, quam habent in manibus, tam inconsulto privas? affidum, immo confidum penè bellum destituta? O te simplicem, si credis rumoribus! an tu solus ignoras sub nomine pacis Imperatorem pravaricatum fuisse? C II conatus retinere atque à colligendis militibus cum averttere, finis & causa legationis fuit. Quod si non esset ita; profecto Imperatoris erat, te vel primum vel in primis de pace commonere literisque aut alijs certissimis nuncijs è tanti momenti expeditione revocare. Quid? an illi non pluris erit subactum regnum, quam promissum & simulatum clientis obsequium? Perge: quo pede

pede cœpisti; & Imperatori regnum, tibi nominis immortalitatem felicem
bus armis comparato. Inductus vanissimâ oratione HANSINIUS bel-
lum prosequitur, infestis armis omnia percurrent, nullo vim repellente;
omnibus, etiam ipsâ regiâ ad deditioñem pronâ. Cius deceptum
se tremens, LIEKIU legatum illico vivum exuri jubet. Relictâ
deinde regiâ, quô provideret rebus suis, in Orientis interiora fugam
intendens in urbe, quam CAOMIEN dicunt, incolumis & ab hoste se-
curus egit; collegitque exercitum conferendis primâ quâque oppor-
tunitate signis cum HANSINO.

*Legatus ec-
cisiue.*

Per eadem tempora Imperator ipse cum novo ac potenti exercitu HIANGYUM in Australes oras secutus, ut PUEGYUENO ferret supprias, postquam ad CHINGKAO venit urbem, obfessam brevi tempore ditionis sua fecit. Dehinc rectâ QUANGUO & ipsam ur-
bem petijt. De cujus adventu monitus HIANGYUS actutum ei pro-
cessit obviâ, recedens à PANGYUENO. Ea res illum planè perdidit
atque affixit. Nam ex unâ parte ab utroque exercitu propè interclu-
sus magnâ rerum omnium penuriâ premebatur; ex alterâ verò Impe-
rator abundabat omnibus, quæ ad bellum prosequendum erant ne-
cessaria. Non è CHINGCAO jam capta, ubi annonæ ingentem mo-
dum repererat, affatim omnia facileque advehabantur. HIANGYUS
ergo suorum vel fugam vel seditionem veritus, cum LIEUPANGO
iterum de pace tractare cœpit. Quia verò tunc bellum Imperator,
quàm pacem malebat; HIANGYUS in castris aggeratâ lapidum strue
conscensâ, in quam Imperatoris avum uxori emque LIUHEUAM unâ
secum adduxerat, inde LIEUPANGUM altâ voce compellans, Au-
di, LIEUPANGE! quandoquidem, inquit, à pace abhorres; avum Pacis obtruse
ruum uxori emque non multò post assatos ad ignem videbis. Virum vis
elige; aut pacem aut cratem. Imperator ei respondit in hunc modum,
Meminisse te adhuc arbitror, cùm Zu regis uterque subditi esses.
amicitiam nos fraterno jure sanxisse. Id si tibi sanctum aquè semper fuis-
set ac mihi; nostra staret inconcussa necessitudo. Nunc ubi non ego tibi,
sed tu mihi prior bellum indixisti, regem tuum etiam perfide necasti; non
video, quàm tuò tecum redeam in gratiam. Viut est tamen; talem ha-
bebis me, qualem voles. Adsis modo, si amicus amicum; si hostis hostem.
Si denique constitutum est tibi, avum conjugemque meam igne rostos, nisi
pacem eligam, immolare dolori tuo; sacrificij partem gemino jure saltrem
unum assa carnis abs te frustium exspecto. Damnatur ob hoc dictum

*Pacis obtruse
necessitatem.*

Kk 3

magno

*Imperatoris
regnum pietate
potius.*

magnō LIEUPANGUS opere à Sinensibus historicis, iniquam étiam pacem, imò ipsius imperij jacturam avi conjugisque incolumentati posthabendam fuisse censemib⁹. Quippe pietatem primam apud Sinas virtutem, obsequiūmque adversus parentes natūque majores imperio potius esse debere.

Ceterum H I A N G Y U S responso tam superbo irritatus, utrumque destinabat igni; cùm H I A N G P E U S pater intempestivam ultionem reprimens, Sepe fili, nos eorum pœnitet, ait, qua irati facimus. Quid autem hinc emolumenti tibi, si necem offeras insonib⁹? fortasse vi vi magnō impostorū usui nobis erunt. His dictis H I A N G Y I patrem verentis ira referbuit. Sed non in totum.

Postero enim die H I A N G Y U S Imperatorem ad duellum provocavit, internuncio misso; qui ejus nomine sic illum appellare ausus est. Quousque nostros utringue cives ac milites vexabimus? & imperium uterque quarentes, funditus evertendo perdemus? Age, si quid aedes, si vir es, vel tuo vel meo discrimine bellum provocatus absolve. Alterius omnia sunt, qui vivus excedet è duello.

Irrisit Imperator hominis ferociam; &c, Ego, inquit, non copijs meis, sed virtute ac prudentia contra te pugno. Ha decernent, utri nostrum debeatur imperium; quo te in anteceſsum inscriba imperandi. & quod magis est, sceleratae privant. Simul his decem criminis, quēis erat obnoxius, insequebatur. H I A N G Y U S acervo lapidum adhuc infestans, unde audire poterat Imperatorem ac videre, contumeliam non tulit. Iratissimus proin drepente ballistam majorem, cui ad jactum aptandæ quatuor homines vix sufficerent, solus aptat, & ingenti sagittā Imperatorem petiit. Parum absuit, quin Imperatori letale fulmen illud esset; in latere quidem gravissimum vulnus accepit. Hic jaetus ad effugium H I A N G Y O viam aperuit; Imperator enim coactus est urbem ingredi; vulnus quidem dissimulans, ne castris metum inferret. Obibatque exercitum incedens lecticæ gestamine, quamvis præ doloris magnitudine vix posset. Interea maximam C I regni partem devictis regijs Præfectis occupavit H A N S I N I U S. Quare C Ius in summas adductus angustias ab H I A N G Y O petiit auxilia. Nec defuit ille laboranti, LUNG C I EO cum validâ manu submisso. Jamque uterq; exercitus, & ipse C I rex ad Yung haud magni nominis amnem pervenerat. Qui tamen amnis hactenus obstabat H A N S I N I I copijs, ut, quā C I um LUNG C I E U M que invaderent, nulla esset via.

Quippe

Quippe medius inter utrumque exercitum fluebat. Ad ultimum HANSINIUS mirabili stratagemate transitum invénit. Id autem erat hujusmodi. Sacos arenā repletos magno numero, silente nocte in profuentem demersit; quēs decurrentes aquæ magnam partem tentæ, completis longo tractu ripis superioribus, ut erant peraltæ, mirum quantum intumuere. Simul etiam alveus inferior, quantò plus aquarum retroibat, tanto tenuiore fluxu desidens adeò nudavit vadum, ut aliquâ pars exercitūs eò facile transire posset. Nec morā vado superato pugnam ciet, in ulteriori litore reliquis militibus, ita ut compositi erant acie, stare jussis^s. Subinde, ubi paulisper est pugnatum, recedit ex acie, quem iterum trajecto vado speciem fugæ præbentem LUNGCI EUSCUM suis audacter insequitur, eodem impetu fluminis alveum ingressus, ac certus victoriae. Sed HANSINIUS, cùm pars hostilis exercitūs jam fluvium superāsse, reliqui acer- vatim sequerentur; signo dato, per funes, ad quos erant religati sac- ci, eos extrahi repente jubet è flumine. Tum verò nativæ libertatis compos elementum ingenti undarum mole ruens, quos in alveo deprehendit milites, secum in ruinam trahit, simul transmissam exercitūs partem ab alterā separat. Hic invehitur in eos HANSINIUS, integratāque cis amnem acie copias hostiles tantā strage fundit, ut nuncius quidem superstes esset improvisæ calamitatis. Interim aquæ ad familiarem cursum defluxerant; cùm HANSINIUS moram omnem è periculi suspicione damnans, toto exercitu in ulteriorem denuo rīpam trajecto pugnam infert hosti; LUNGCI EUSCUMque imperfecto, Cī rex vivus in victoris manus venit. Ita victoria circumferens arma to- tum Cī regnum occupavit HANSINIUS.

Intelligens autem, quanta in Imperatorem merita essent sua; subactum modò Cī regnum optabat ab illo, tanquam victoriarum præmium, accipere jure beneficiario. Mittit igitur ad illum, qui & recentem victoriam nunciaret, exponeretque simul vota sua; quæ mandavit his ferè verbis. Cī regnum adhuc mutabile semper & an- ceps fuit; variaq^s fidei, modo hunc modo illum sequebatur, omnibus indiscretim, at nulli constantius quam tempori parere promptum. Quare abs te peto, ut ejus fiduciā mibi committas; quem, ut adhuc tibi fidissimum habuisti, sic fidorem, beneficiumque memorem clientem in per- petuum habebis.

Imperatori non placuit hæc oratio, Sed CHANHLEANGUS &
CHIN=

CHINPINGUS, ut HANSINI postulatis cederet, ei persuadere. Quid enim? dicebant; an non illustre fidelitatu hoc est argumentum, quod occupatum à se regnum, à te petat loco beneficij? Negabat ei, quod, si per vim retinere vollet, nostrum auferre posset? Omnino fortius est a prudens militia dux; cuius egregias artes ipse jam sapientius expertus es. Exercitus duci suo par; à quo maximè amatatur, intentio insuper ad nutum illius omnibus. Cuius proinde petitioni s'annueris; quod reliquum est bela-
li, huius fide non magno negotio conficies. Valuit igitur apud Imperato-
rem duorum consilium; jāmque sigillum & reliqua clientelæ necessa-
ria præparabantur. Interea tameo, cùm jam omnes Boream versū
essent subjugatae provinciæ, mandat HANSI NIO, ut etiam contra
HIANGYUM tendat, Zu regnum occupaturus.

Sub idem tempus Imperator legatos ad HIANGYUM misit, avum conjugēmque repetens. Usus hac occasione HIANGYU S egit cum Imperatore de pace, Quæ demum ita convénit, ut HIANGYO solæ partes Australes, quæ sunt ultra fluvium HUNGKEU, cederent; penes Imperatorem vero reliqua Sina tota, id est, omnes Boreæ orien-
tique soli objacentes essent provinciæ. In hunc modum utrinque fir-
mata pax avum Imperatori conjugēmque restituit. At ecce! vix eos

Rupta pax. receperat; cum denuo frangit datam fidem, CHANGLEANGO &
CHINPINGO instigatoribus. Qui pacemaversati, quamvis es-
sent Philosophi, virtutisque se sectatores ferrent; Imperatoris tamen
auribus assiduò bellum inculcabant, neglecta fide. Quâ de re multum
ab historicis gentis reprehenduntur, ut perfidi ac Philosophorum no-
mine indigni. Fuit autem hæc eorum ad Imperatorem oratio. In eo
statu sunt modo res tuae, ut simul in manu tuâ sit imperium. Quod abs te
repudiare quis non miretur, pro quo tam diu depugnavisti? Olim incera-
tus, an illud adepturus es; nunc de victoriâ certus, eam dimidiâ quasi
ex parte cum hostibus tuis communicas? HIANGYUM armis validum
vidioremque paulo ante mil timebas; modo quasi jam vietum ad conditio-
nes pacis invitas? Muta mentem hanc, quæsumus, Imperator; néve do-
minus alio pacto per te liceat HIANGYO incolumi ac regnaturō revertie.
Cave ne usi tibi veniat, quod illa, qui domi parvam alunt tigridem; que,
cùm excrevit, oblitia beneficij, nec dominis suis paret. His talibus ergo
verborum lenocinijs obsequens Imperator pacem rescindit. Visus est
tamen haud multò post perfidia poenas dare, cùm HIANGYU sexa-
cerbatus irâ cum prope CUXI urbem aggressus, et si viribus potiorem
tantâ

tantâ clade affecit, ut exinde non auderet solus cùm eo manus conserere. Castris ergo bene munitis se continuit, donec, uti dictum, H A N S I N I U S C H A N G U L úsque cum omnibus copijs adessent; Zu regnum ducibus, ex æquo dividendum pollicitus, si strenuè dimicantes H I A G N Y U M acie superarent. Illi tanti spe prœmij commoti, fortissimè invadentes H I A N G Y U M in fugam avertunt. Hic virtus H A N S I N I I comprimis enituit. Nam suis abstinere à prædâ ordinésque servare jussis fugientem H I A N G Y U M pari celeritate persequitur. Ille rectâ M A O C H E U petebat urbem, apud quam munitissima castra posuerat. Sed vix illa cum suis intraverat; cùm hæret in tergo H A N S I N I U S, eaque obsidione claudit. Advocato deñ omni exercitu locis opportunis milites disponit, qui omnem undique annonam interciperent; expugnaturus H I A N G Y U M fame. Sed ille, ut erat fortis animoq[ue] magno; pugnando potius fortunam iterum experiri statuit. Ita cum H A N S I N I O signa confert, extra castra suos optimè compositos & instructos educens. A fortissimis ducibus utrinque magnâ contentione pugnat, anicipitique Marte; donec tandem H I A N G Y U S multitudine longè impar & excedere pugnâ coactus castra repeatit, agmine tam complicito, ut ingressu prohiberet hostem. Resumtâ proin obsidione cùm denuo castris incubaret hostis; H I A N G Y U S ultimis consilijs animum aperuit. Cùm enim exspectaret auxilia, quæ adesse jussérat è Zu regno; ejus maxima pars Imperatorem ultro amplectebatur. De H I A N G Y O namque jam actum esse persuaserant sibi. Quin & auxiliares ejus copia ad Imperatorem defecerant. Noctu enim cùm per castra deambularet, vigilias obiens; è propinquo Imperatoris exercitu voces percepit plurimorum linguâ Zu regni propriâ cantantium. Ea res H I A N G Y I quamvis constantem animum afflixit; pronâ defectionis & indubitabili conjecturâ. Destitutus ab auxilijs undique, & arctissimè insuper obsessus, ad fugæ, quæ restabat una salutis via, consilium respexit. Tentorium itaque suum ingressus, cum H I A conjugé suâ, præcellentis formâ feminâ, invitans se vino, lœtusque cantare coepit, eam bono esse animo jubet; sibi modò, ne vivus in hostium potestatem veniret, abeundum. Neverò te desertam interim ac sub ultro lingui querare; castra, inquit, relinquo permunita, paulo post cùm ingentibus copijs redditurus, ut iterum te videam. In hunc modum ubi valedixit; H I A manibus indutus arma sua, consensuque equo cùm equitum octingentis intempestâ nocte

subito erumpit è castris, multosque passim trucidando, armata maniam sibi suisque sternit ad hostilem exercitum. HANSINI milites sanè non mediocriter improvisâ incursione turbati, trepidantesque discurrunt ad arma. Unde non pauci sunt etiam ex H I A N G Y I socijs desiderati. Verum viam tandem aperuit; & reliquis, quâ cuique licuit, effugientibus, solus H I A N G X U S H O A I fluminis trajectu, ad UUGUEZ devexit urbem, ubi defestentem à viâ palus exceptit, HANSINIUS interea de tumultu doctus ab ijs, quos ex H I A N G Y I socijs fortuna vivos in ipsius manus demiserat, exploratores quoquoversum dimitit, magnis propositis premijs, si vel vivum vel mortuum adducerent H I A N G Y U M. Is in palude nihil præsidij sibi videbat jam superesse, non dubitans ab Imperatoris militibus undique se quæri. Quocirca magno nisu tandem, albescente jam cælo, enīs inde, recta petebat urbem H O C H E U dictam; cū ab Imperatoris equitibus duodeciginta invaditur. Quos ubi vidit ille, constitit; &, Octo jam angui sum, ait, ex quo bella gero; pugnari septuages, semper invictus. Et nunc isti octo & viginti lepores timeam? Calum avertat istud à me dedecu! à quo faxo saltem ut sciat orbis me derelictum, non ab hostium virtute vicum fuisse. Calum tenet, non hostis, manus meas. Merum dictu! ab extremâ verbi parte ruens in illos, unus omnes necat. Inde ad U K I A N G flu-

*Qui secundus
necato*

*Tandem se-
ipsum.*

vium pervenit haud procul H O C H E U labentem; quo navi oneraria trajecto, tandem expes vitæ, sic locutus esse fertur. In eo jam loco constitutus sum, ut & ortum fluvij teneam, & occasum vita mea. Nusquam ullum mibi fidem amicūm ve reperio; plus imò à meis hic, quam ab inimicio mibi timendum video. Quare occidentem repetam. Sed fugitivus amicorum atque parentum conspectum ferre qui potero? scio, quid faciam! postquam Calum desit favere fortitudini mee; mori satius est, quam dedecore tantam gloriam maculare. Sic abruptâ spe omni caput ipse sibi stans uno ictu præscidit. Vir fortissimus audaciæque promptæ, sed crudelis ac perfidus; quibus artibus amisit imperium, quod fortitudine ac militari peritiae facile obtinuisse. Eo sanè dignus, si, ut militum, sic & civium animos habuisset in potestate. Sed istorum nimius vexator, ab unis militibus amabatur, inque vicem amat eum quam maxime. Quorum tamen & virtus & fides denique LIEUPANGI cessere fortunæ.

HANSINIUS interim castra magna vi aggreditur; quorum facilis erat oppugnatio, duce carentium. Victoria per quam usus est modestè

modestè, milites necari vetans, & ut sua signa, si vellent, sequerentur, invitans; sin abire malent, id impunè licebat. Hac modestiâ sibi devinxit omnium animos, summâ voluntate ad ejus castra transeunditum. Ex quo totum Zu regum ad deditioñem prouum, quippe viribus exhaustum usquequaque, jugum accepit. Una Lu civitas vim experiri maluit. Irritatus Imperator ea civium audientiâ jurato denunciavit, omnes unâ cum urbe conflagratos, ni se quamprimum dederent. Forte obiens moenia cùm non voce tantum, sed organis etiam musicis cantantes in urbe multos audiret; *Vt video*, inquit, *in hac civitate, quanto per musica delectatur, boni mores vigent; fides in primis erga regem, à quo ne deficiant, obstinatum est eis extrema pati. Si non est alia resistendi causa; laudo constantiam, juréque jurando resciſſo, se velint manus dare, jannunc pollicor incolumes fore. Utinam tamam fidem in urbibus meis inveniam!* Inter hæc affertur H I A N G Y I caput; quod, qui eum persequebantur milites forte repertum, hastaque præfixum postquam Imperator ostentavit urbi, statim in ejus ditionem arbitratumque concessit. Post hæc Imperator H I A N G Y O solenni pompa exsequias instruxit; defunctum etiam in patre veneratus, quem ad se invitatum exceptumque per honorificè, dynastiâ denique donavit. Præterea, quod est apud Sinas summæ benevolentiae signum atque honoris, H A N X E familiæ suæ titulum ei atque appellationem impertij, ut H A N X E dynasta diceretur.

Hoc bello confecto Imperator T I N G T A O profectus urbem, H A N S I N U M ex promisso Zu regulum tributarium; P U N G Y U E N U M verò L E A N G E regem in eodem regno creavit. Tunc H A N S I N U S memor eorum, quæ collata fuerant à P A O M U A in se beneficia, cùm in egestate versaretur; eam ad se invitat, argentiisque libris mille donat. Illum quoque puerum, à quo in urbis H O A I G A N X E macello erat affectus, injuriâ publicâ, provexit ad præfecturam, malum beneficio rependens, quod nisi ab animo magno excelsoque proficisci non potest.

Indictis posthæc comitijs L I E U P A N G U S in X A N T U N G provinciam C A O C H E U ab omnibus denuo Regulis Præfectisque agnitus Imperator diademate ornatur. Inde profectus ad L O Y A N G, prædictis ac militibus instruxit magnificè splendidèque convivium. E quibus cùm inter colloquendum amice percontaretur, ecquidnam causæ putarent, cur à se potius, quàm ab alio esset occupatum imperium?

*Musica indi-
cum morata
urbis*

*Beneficia &
injuria benefi-
cio compen-
sata.*

varijs variè respondebant, prout quemque vel veri dicendi libertas, vel adulandi vanitas monuerat. Imperator auditis omnibus,

*Liaupangus
Imperator re-
gè ministra-
rum ingenije
usu.*

*titus sum, inquit, imperij non alio magu præsidio, quām, quod viru uti
sciebam, præsentens, quod aptum cujusque foret ingenio. Quā soleritā
mibi longe cessit HIANGYUS. Noveram ZUFANGUM eis domo aut
tentorio non exēuntē, solum prudentiā, melius, quām ego possim, vel mille
stadii distantem acies instruere, parare victorias scire; ad hoc munus eum
adhibui. Noveram SIAOHOUN, præ quām meum ferret ingenium,
peritum esse regnum firmandi locupletandique, populum in latā pace con-
tinendi, redditus velligalia sic ordinandi, ut nunquam stipendia, nunquam
alimenta deessent; ad hoc munus eum adhibui. Noveram HANSINIUM
felicissim quām à naturā mibi datum, milites habere in potestate, victoria
obtinere posse; ad hoc eum quoque munus adhibui. Hec sunt, quā mibi
pepererunt imperium; hi tres, inquam, prudentiā & virtute præstantes
viri mibi probè cogniti, & ad ea quisque munera delecti ad quā maximè
aptos esse non ignorarem. Hujus soleritā adminiculo ad fastigium evasi.
Et profectō hominum animos cognoscere difficultus est quām orbem regere,
vel in commune sapienter consulere, vel fortiter hostes vincere. In cete-
ris rebus vincit me ab alijs facile patiar; sed hanc unam laudem si reservo
mibi, nolim arrogans videris. FANCENIUM quidem HIANGYUS
habuit ad quāvis aptum; at quia illo uti nesciebat, interiit. In hunc mo-
dum Imperator perbellè suos ac seipsum laudavit.*

Inter hæc in regno CI TIE NHENGUS quidam, regum sanguis,
ab HIANGYO adjutus, aliquoties turbas excitaverat. Quippe semper
audaces ac turbulentos homines aluit XANGTUNG provicia. Ve-
rūm auditā HIANGYI morte cum quingentis sociorum maris orien-
tis insulam petiit, litoribus vicinam. Huc mittit Imperator, qui eum
ad se vocaret; nisi pareret, extrema omnia minatur. In viam itaque
duobus socijs comitatus se dedit; verūm, antequam ad Imperatorem
pervenirent, voluntariam mortem omnes præcisō gütture sibi conci-
vere. Quo audito, qui in insulā remanserant, ad unum omnes in ma-
re se præcipitant, erga dominum suum, quem jam nullum habebant,
hac insanī fidem testaturi.

KIPUS autem quidam ex HIANGYI ducibus, cuius non una
tantum in Imperatorem erat injuria, nullum effugium videns, desettis
militibus, barbā capillisque præcisis in regno LU seipsum cuiam
CHAO vendidit promancipio. Erat CHAUS manu strenuus & bella-

*Vltronica
mortis.*

tor bonus; qui dein, ubi KIPUM, non mancipium esse cognovit, misericordia motus, illius patrocinum arripuit, & SIEUM Imperatoris Praefectum conveniens, Quodnam KIPU tantum est crimen? inquit. Que gessit adhuc pro rege suo, in quem nunquam non ejus fides entuit; ejusmodi sunt, qua procul à reprehensione, multam potius laudem merentur. Ut taceam, postquam Imperator orbem totum solus obtinet, alienum à maiestate videris, singulare odium uniuersi hominu ejusque regi suo fidelio extinctum velle sanguine. Magnarum mentum est, condonare; qua non alias magis magnitudinem suam ostentant, quam cum negligunt oblatam occasionem ulciscenda injuria. Imperator à SIEO de hac expostulatione commonitus KIPUM vocari jussum ob hero servatam fidem præfeturā donat. Non eadem usus est fortunā TINGKUNG alter HANGYI militum Praefectus KIPU avunculus. Nam hic quidem ad Imperatorem venit, in ejus obsequium séque tradens omnésque copias, quarum ei mandata cura; sed exitio suo, jussu Imperatoris plexus capite. Qui venientem increpans, Quod suspicione laborat, inquit, ingratum est obsequium. Cum his, quos adduxisti, pro Persidia vi-
ducere tuo standum erat tibi. Nunc ubi secus à te factum, nec qui uni domino fidelis non fuit, esse solet alteri; exemplum in te statuam, quod imitandi tui studio posteros non accendet. Hec posteaquam acta, tranquillatis toto imperio rebus HIEUYANG, quam saepius provinciæ XENSI regiam urbem diximus, ingressus, totum inde Sinarum orbem gubernavit.

At non diuturna quies ista fuit, sparso subinde, quanquam falso rumore, rebellionem meditari HANSINIUM, insidiante fastigio. Imperator, ut rem silentio ac procul omni turbâ certius exploraret, instituit imperij provincias obire, capturus HANSINIUM. Et primum iter fuit ad regni Zu confinia. Ille ignarus calumniæ, nec male sibi conscius, cum paucis, ut assolebat, ad excipiendum Imperatorem adevit, simul & capitur. Quem facti novitate defixum, ubi colligit animum non nihil à stupore, sic locutum ferunt. Quares hac
Hansinius cito
pitur.
hoc est? qua causa? qua ratio? Quasi timidum leporem in agro me cepit Imperator. Innocentem nec ullius criminis consciuum esse, iam mihi fraudi fuit. Quid mirum autem comprehendendi obuiam euntēm lictoribus? At intelligo, quid agatur. Nimirum rapaces aves omnes extincta sunt, rebelles omnes devicti, regnis & imperio imminentes è medio sublati. Jam arcus remissi, jam beberata sagitte, jam imperium est sine bello. Quid
multa?

Fides etiam
ab hoste præ-
mis donata.

*multa non eget amplius Imperator opera mea. Et hoo est illud unum unius
cūmque crimen; quia bello non ardet imperium, ego flammis dignus sum.
Ex absolvitur. Verum re diligentius examinata non insontem modò pronuncavit
Imperator; sed insuper HOAIGANÆ urbis, unde ortus erat HANSIUS,
principatu excoluit.*

*Tum ex illo sciscitatus, quantum exercitium ei videretur in officio
continere posse? cùm responderet HANSIUS, non plus quam
centum millia; loquendi libertatem demiratus ille, Tu vero quantas
copias credis posse te regere? Cui HANSIUS: Quo plures, hoc melius
regam; tu vero Imperator, quo plures duces habebis, eo melius diriges.
Nam in cognoscendu regendisque magnorum virorum ingenij omnes tibi
palmam ex merito concedunt. Sagaci dicto mirificè delectatum Imperatorem ajunt, in eo quippe placentem unicè sibi, quod præ ceteris ani-
mos hominum felici contemplatione deprehenderet.*

*Modestia
Changleangii.*
*Deinceps Praefectis, qui sibi egregiam navarant operam in his
bellis, præmia elargiri coepit. CHANGLEANGUM LIEU non pro-
cul ab urbe PI distantis Principem renunciavit; adjecturus alia loca,
nisi recusat et omnia, contentus una LIEU civitate. Animi porro
sui modestiam his admodum verbis eum explicuisse reperio. Quid de-
re meritus sim, Imperator, equidem ignoro; nisi forte confilio non nihil ad-
juvi rem publicam. Ceterum facta, non perinde dicta majore aliquo digna
præmio esse arbitror. Opera mea, quantumcunque fuit, sufficit præmium
istius loci tributa dominatio; non alio merito, quam quod, ubi te primum
utentem fortuna cum tenuiore, felix mihi casus obiulit, securus sim partes
tuas. Hac modestia collaudata, ceu convenit, Imperator SIAO-
HOUM deinde ducem creat, maximas ei ZUONIS oras attribuens.
Tum CHINPONG HUYEN regioni ducis etiam nomine præ-
ficit. Hic eam dignitatem refugiens in LUCHIUM transimovere Pra-
fectum instituit, ut ei gratiam referret, à quo se meminerat infirmis
fortis hominem ad Imperatorem olim nomine qualisunque scientie
introductum fuisse. Quem nunc affatus, Optime Imperator, ait, si
quid egis apud te laude vel præmio dignum; id LUCHIOTUM debo.
Ille mihi aditum ad te molivit; absque quo si esset, inops fortuna periisse.
Imperator hac gratia animi significatione laetus, Bono esto animo!
inquit; ego non tibi modo, sed & LUCHIOPROPTER te multa debo. Du-
catum igitur accipe quæso offero; nec LUCHIOPRÆMIA sua deerunt.*

*Mira mode-
stia in recu-
sando donis.*
*Liberalitas
obfuit Impe-
ratoris.*

*Hæc præmiorum distributio exitialis propemodum Imperatori
fuit.*

fuit. Nam (ut fit, cùm se omnes præmio dignos putant, nec, quod sperant, accipiunt) reliqui duces ubi se neglectos viderunt, in Imperatorem consurgere parabant, cùmque morte multare. Sed CHANG-
LEANGUS frementes jam ac minas in Imperatorem non obscurè ja-
ctantes prudenti consilio compescuit. Suasit enim Imperatori, ut ex
ijs unum alterumve, quorum in rem publicam essent merita spe pœ-
mij sine controversia minora, quam primum remuneraretur. Sic enim
& reliqui digniores, inquit, sibi reservata credent pœmia; & saltē in
tempus, dum rebus melius provideas, conquiescat mitigata seditio. Pa-
ruit huic consilio Imperator; & IUNGCHIUM quendam XEFAN-
GO, GOCANUM verò SAPINGO, urbi utriusque, principes imposuit;
magnâ ceterorum omnium lœtiâ, nec spe minori. Sic periculum
evasit Imperator.

Porrò reputans apud animum suum, CINAM familiam adeo fa-
cile propterea extinctam fuisse, quia nullos è suâ stirpe reges sibi tri-
burarios fecerit, à quibus auxilium sperare potuisset; (excluserat enim
arctiori propinquitate sibi conjunctos ab ejus honoris communione,
ut dictum est) inducendam veterem reipublicæ formam sibi duxit.
Ergo filium natu majorem, cui KIA nomen, HINGI; secundò verò
genitum HUNG dictum, qui dein hujus familiæ fuit Imperator à pa-
tre tertius, TAI, reges creat. Fium autem nothum, quem etiam
adolescens ex obscurâ muliere generat, CI regem renuntiavit.

Dehinc statum imperij, jura, leges, aulaeque ritus ac ceremonias
per XOSUNIUM ordinavit. Cùmque jam se recte haberent omnia;
sesto imperij anno, qui fuit ante Christum natum ducentesimus, ite-
rum comitia omnium Regulorum, Ducum, ac Dynastarum, Præfecto-
rumque majorum splendidissimo conventu habuit. Ingenti pompa
paratûque illos exceptit. Ac tametsi, quicquid in regiâ occurrebat
oculis, industriâ XOSUNII ad summam magnificentiam exactum es-
set; Imperatorem tamen solâ majestate metum omnibus non sine ar-
cano quodam venerationis affectu incussisse ferunt. Ipse quoque
tanto suorum apparatu & splendori lœtus, Hodie tandem, inquit, ex-
periens mihi licuit, quanta sit Imperatoris majestas & amplitudo.

Dum hæc geruntur ac per omnem Sinam recenti pace festisque
gaudijs cuncta fervent; ecce TARTARI superato repente muro ma-
gno ad agendum prædas irrumpunt in imperium per XANSI provin-
ciam, ubi nunc TAITUNG est urbs munificissima, Imperator HANSI-
NIUM

Prudenciam
filium.

Tartarorum
in Sinae ir-
ruption.

Tandem labefactata Han-
 sinij felicitas. NI U M illis opposuit; statimque ad arma ventum. Sed hæsit H A N S I U M
 S I N I I deprehensa felicitas. TARTARI s enim more gentis equita-
 tu maximè valentibus cedere coactus acieque vixsus in urbem M O-
 T E M fugâ pervenit. Ibi à TARTARI s obsessus & ad ultimas angu-
 stias redactus super deditio[n]e cum hoste paciscitur séque urbemque
 tradens ejus arbitrio. Quâ re cognitâ Imperator ipse in TARTARI s
 movet. Edoctus autem ab exploratoribus, illos in valle T A I agere;
 denuò misit exploratores, qui de eorum viribus propius cognoscerent.
 MAOTUNIUS TARTARORUM dux de his insidijs certior factus,
 optimos quoque ac fortissimos equites, exercitus robur in occulto la-
 tere jussit, imbellibus iisque paucis caltra tenentibus. Exploratores, ut
 ad Imperatorem rediere, victoriam in expedito esse renuntiant; pau-
 cos enim ac debiles milites habere MAOTUNIUM. Jamque versus eō
 tendebat Imperator hostem invalusus; cùm LEUKINGIUS & ipse
 missus ad explorandum, rediit, Imperatori suadens, ne progredere-
 tur his verbis. *Eis nihil apud TARTARIOS vidi admodum validum,*
*quodque timere debeas; ego tamen haud facile crediderim, eos tam tem-
 pore ingressos Sinam.* Qui enim sine viribus HANSIUM debellare po-
 tuissent, aut imperium nostrum incurvare ausi essent? insidias timente, exer-
 citus robore fortasse consulto latitante; decernendum quidem non censeo,
Bene monen-
tis calamitas. nisi prius certiora cognoscas. Optimè suadentem Imperator increpi-
 tum etiam perduelle[m] appellat, ut obstantem, ne TARTARIOS ag-
 gredieretur. Conjectus quoque in vincula servabatur suppicio, quod
 post victoriam eum manebat. Cujus spe plenus Imperator QUAN-
 GUO devictâ TAITUNG ad urbem usque penetravit. Nondum totus
 advenerat exercitus; cùm à TARTARI s (quadrincenta equitum mil-
 lia fuisse scribunt) in PETENGO monte, quâ TAITUNG Orientem
 spectat, obsidetur. Quid hic ageret? quô se verteret Imperator?
 Unum ei restabat effugium in muneribus. Hoc enim erat, quod sem-
 per in beatissimâ Sinâ quærebant TARTARI. Promissâ igitur ingenti
 vi argenti, Sinarumque sexûs utriusque copiâ pacem emit à TARTA-
 RORUM reginâ, quæ rerum potiebatur; simul etiam recepit HANSI-
 UM. Tunc exploratores priores omnes necari jubet; LEUKIN-
 GIUM verò collaudatum à fide ac prudentiâ ducem KIENSIN creat.
 Quia verò tot bellis regia X E N S I provincia ferè exhausta erat,
 rarîs indigenis, rarîs qui agros colerent; tale consilium successu fa-
 vente cepit. E provincijs omnibus habitu fortissimorum hominum
 delectu,

delectu, eis unâque exsinctarum familiarum posteris, quorum bona fiscus invaderet, domos & agros assignando ingentem incolarum agricultarumque frequentiam concivit. Supra centies mille familias affluxisse scribunt.

Posteaquam Imperator ad CHANGAN urbem pervenit, palatio superbissimè ac splendidissimè ornato ab SIAOHOO exceptus est, haud sine ipsius stomacho. Advertit SIAOHOUM quanquam obscurè prodita indignatio; &, Imperatorū domus, inquit, est totus orbis, ad quem comparatus hic qualiscunque splendor, ut à sole minora sidera, infuscatur. Si tanta majestati non par assurgat habitatio; minoris illa sit, ac terroris, sine quo majestatis fulgor habebitur, expers. Non probant hujusmodi orationem præsertim è Philosophi ore Sinenses historici, ajentes majestatem regibus à pietate ac justitiâ esse arcessendam, ob solam virtutem & prudentiam metuendis: his orbem subjectum ac paventem habituros. Nunquam fando auditum, regem ob insanias substructiones suis formidolosiorēm aut pluris aestimatum fuisse. Satius futurum, si nimis sumptus impendantur egentium aliorūque subditorum bono, Sic demum omnes sui amantes habiturum ac fidos, quibus rebus maxime utitur imperium.

Dum hæc fiunt in hunc modum, TARTARI Boreos tractus novis incursionibus vexant. Quibus malis ut tandem obviām iret Imperator; missò LEUKINGIO duce cum TARTARI samicitiam & affermitatem conciliare aggregitur, TARTARI regis filiam uni è filijs suis uxorem expertens. Quanquam Sinicus author hoc loco scribit Imperatorem egregiè TARTARI imposuisse, TARTARI regis filia non suo, sed mancipiј cuiusdam filio nuptum datâ: indignum fortunâ Sinicâ ducentem, vel ipsius TARTARORUM reginæ connubia Sinam ingenuum inire; multò autem indignius, Imperatoris filium. Est enim ita Sinicæ gentis ingenium, ut omnes nationes præ se nullas putet; de se unâ magnificè altèque sentiat.

Imperator prosecutus iter suum CHAO peruenit ad GAUM regem, cuius filio filiam suam uxorem desponderat. Arrham è more gentis dotémque CHAO rex ad Imperatorem præmisserat; sed, nescio quamobrem in ijs mittendis à solenni ritu modóque discessit, aliter quam exspectarat Imperator. Qui proin iratus, acribusque verbis in CHAO regem invectus, nec contumeliam abstinuit. CAUS & YUUS regij Præfecti eâ re offensi, regi suadent, ut Imperatoris apud se commo-

François Simao
rum in consu
tingio.

Mm rantis

rantis morte se vindicet, læsumque jus hospitij. Rex verò non modò non eos audijt; verum etiam de iniquo consilio castigatis silentium imperavit. Non adeò tamen occulta res fuit, quin cuidam CAI obtrectori veniret in notitiam. Ille CHAO regem CAU M que criminatus apud Imperatorem odio suo impensè litavit. Captioque regem cum illius criminis conscijs Præfeci omnes adesse juberentur; mortem crudeliorem timentes, occupavere voluntariam. Uni CAI fides in regem suum constitit; increpanti ceterorum ignaviam, scelerisque societatem fortiter exsecrebat. Si enim nos ipsoſ occidimus, ajebat quis pro rege nostro stabit? quos Imperatorem de illius fide atque innocenſia docebit? Scitit ergo intrepidè ſeſe Imperatori, adhibitā quæſtione faſus ultro datum ab ſe Imperatoris necandi consilium; ſed regem suum illud admittere noluisse. Confessionis iſtius certior factus Imperator misit alios, qui verum tormentis quærerent. Ibi CAI ſuspendens ju- dicum animos? Quid ago? inquit; num pluriſ eſt mihi mei regis ſaluu- quam mea, quam meorum omnium, quos ob crimen meum certius manet interitus? At enim pluſ apud me valet veritatis amor, quam timor pri- vata calamitatis, cui me, cui meos expoſui. Ego, ego fuī, qui crimen hoc admiſi; ego cadis consilium dedi. Rex innocens eſt & uſque in uitium Im- peratoris fidelis & obnoxius? apud quem non fuſt locuſ consilio meo. Ad- gem dimiſit ē carcere. Hunc tamen ē rege ducem jussit eſſe S I UEN- P I N G dictum. CAI verò fortuna provehebatū in ſublimius, ad praefecturas etiam patente viā, niſi ſeipſum odiſſet. Tunc enim, Quod Hunc ut iſontem, periculo liberum volebam. Postquam id obtinui vel- tū ſue moriar. Nec enim tam exhausto rubore ſum, ut Imperatori ſervire audeam, cujus perduellio audio; nec alteri ſerviam, ſi ſervire non poſſum regis meo. Cum dicto ſpiritum ſibi præcifo gutture interclusit.

*Mors ultra-
neæ.*

Ceterū apud Imperatorem maximè gratiſius erat Iuyus ē CIEA concubina, quam ante alias deperibat, filius. Hunc regno primū CHAO donatum, jam in eo erat, ut etiam imperij ſuccello- rem designaret; excluſo, quem jam elegerat, legitimo filio. In ele- ctionis verlæ titulum iſtius valetudo viriūque tenuitas prætexebatur. Huic consilio cum obſtarent magistratus omnes & Præfeci, nec ex- quisitio rationibus quicquam effacerent; unus CHANGUS, eti ore- blaſo,

*Capitul. VEN
Chao.*

*Cogitati ſcеле-
ruſ confeſſio.*

blæso, ut ab incepto desisteret, tandem obtinuit. Qui audito Imperatore, Indiscretus sum ego quidem, ait, nec menti lingua paret in ijs, <sup>Equitatem
in blaeso di-
serit</sup> qua concepit, expromendis; at nunc non modo me nature vitium haud finit ea, qua velle loqui, sed etiam ac multo minus animi commotio, non ferentis, ut Imperator meu tantum à rectâ ratione deficiat. Hæc loquens ita verba perturbabat, ut vix intelligeretur; istud unum ingeminans, *Hoc scio, nos convenire.* Hanc & mentis perturbationem & hæsitan-
tiam linguae primùm Imperator risit effusissime; sed ejus pertinaciâ vi-
ctus, recepit se, quod suadebat, esse facturum. Itaque in præsens,
magnâ omnium ac præcipue Lieuheuæ matris latitiae propositum
mutavit.

Sub idem tempus ad muri contra TARTAROS exstructi custo-
diam CHINHUM ducem magno cum exercitu ire jussérat, ex Au-
stralibus provincijs evocatum. Hic, cùm ei transitus per HOAIGAN
esset, ad HANSINIUM devertit; quem prehensâ ejus dexterâ, re-
motis arbitris, sic affatur. *Quousque marces, indormisque causa?* Im-
perium virtutis tua debitum an negligis? Fortibus factu & gloriâ militari
nemini secundus es; regnique tui milites sunt in armis omnes exercitatis-
simi. Quos inter, ut olim tuus miles, ita nunc quoque profiteor nomen
meum; itarus, quounque jusséris, sed in Imperatorem ante omnes. An
inultam feres contumeliam, quâ te non ita pridem affecit, in vincula con-
jectum ut perduollem, in quem nec suspicionis cadebat umbra? Mihi cre-
de, nunquam saluis tua securis ages, quamdiu, te vivo, tyrannus ti-
met se vivere non posse. *Quare magnopere tibi suadeo, ut rebus tuis in*
tempore provideas. Ego ad murum magnum oppertar, dum aliquid ibi
moveas. Si militem contrate miserit Imperator; inibi vacuam XENSIE
provinciam invadam tuis auspicijs. Ita imperium, quod tua felicitati,
tuis debetur armis, queq; annexa sunt imperio, in tranquillo erunt tibi.
Non ingrata fuit HANSINO hæc oratio, sed dolo quâm successu
nobilior. De rebellione quidem inter eos convenerat, ac planè actum
erat de Imperatore, si latuisset conjuratio. Sed ex HANSINI fa-
militio quidam rem omnem latens audierat, & ad Imperatorem spe-
præmij nomen utrisque defert. Præceps tunc ad exitum properabat
annus Sinicus; nec ausus Imperator aliquid tentare palam adversus
HANSINIUM; dolum, quo sine armorum strepitu caperetur, ad-
ornavit. Lieuheuam igitur mittit Imperatricem cum SIAOHOO
specie obeuntis suo nomine Sinam. Cùm transirent HOAIGAN, ubi
agebat.

M m. 2.

Hansiniij glo-
ria persidia
corrupta.

agebat HANSINIUS, ab Imperatore de totâ re bene docti; adeo ille, ut venientem Imperatricem exciperet ex officio, Sinarumque morte faustum ei novi anni juberet esse principium. Ibi rei, quæ agebatur, incautus HANSINIUS à fortissimis viris in ejus exitium subornatis oppressus, sine morâ capite truncatur. Ita tantus vir, cui acceptum Imperator ipse referebat imperium, tot victiarum pollutâ laude, perduellis notâ interiit. Imperator inter hæc ipse cum maximis copijs quasi TARTARI bellum moturus contra CHINHUM ducem tendebat. Hic ubi se quæri ab Imperatore, intelligit; hostem professus palam ei resistit. Anceps erat Imperatori diuturnumque cum illo bellum, accepto etiam luculento vulnera; donec tandem interfectus CHINHUS ad victoriam hosti, paulò ante Imperatori suo viam perfido sanguine signavit. Sic ingens imperij amittendi periculum Imperator partim prudentiâ, partim fortitudine discussus.

Quo autem tempore per LEANG regnum ei transitus erat; PUNGYUEUS, qui in clientelam Imperatoris ibi locorum concesserat. ad illum excipiendum more solito non prodixit, impeditus valetudine. Dissimulavit tunc quidem ille neglectum obsequijs; at rediens victor PUNGYUEUM captum destinabat exilio, prius in ordinem redigendum regnq; privandum. Sed Imperatrici pœna non probabatur quæ sœviret infra mortem. Quare, ut è medio tolleretur, Imperatori suadens, Impensè vereor, inquit, ne te pœnitiat haud multo post clementia tua. PUNGYUEUM fortissimum belti ducem esse scis; quem offendisse juxta & vitâ donare, quid est aliud quam hostem in seipsum armare? Nunquam enim odire te definet semel offensus; nec ante quiescit, quamvis illius fuerit exili probrum, perpetuo rerum tuarum, nisi pereat ipse, pericolo. Quod ut antevertas ejus maturandâ morte, magnopere tibi etiam atque etiam sum author & bortatrix. Muliebri consilio victus Imperator insontem ac bene de se meritum ducem illico necat, ejusque caput tanquam perduellis, in urbis LOYANGÆ foro spectandum facit; illum cum HANSINIO & CHINHO rebellionis consilium iniisse, prætendens. Antequam hæc fierent; PUNGYUEUS LUONPUM Præfectum, virum facundissimum, legatum ad CI regem miserat. Is rediens ubi cognovit regem suum occisum, & in eâ, quam diximus, urbe reseptum illius pendere caput; eodem vertit iter, flexisque genibus ante illud tabo rubens, suæ legationis exitum, magno cum ejulatu ac lacrimis exposuit. Id cùm significatum esset Imperatori; LUONPUM

*Insonit regis
eades feminæ
suæ.*

*Fides Praefecti
in defunctu.*

pum capi jubet. Qui cùm intelligeret è vinculis ad flamas se pro-^{Imperatori}
protrahendum; in Imperatorem detonuit. Liceat mihi pauca, qua si
absolvero, lubens moriar. Cùm LOYANG inter atque CHINCAO ab
HIANGYO arcta obsidione tenebarū; absque PUNGYUEO fuisset, nec
vitam nec imperium haberes. Ille salutem, ille imperium obulit tibi;
præclare alias etiam de te meritus, de quo nihil in præsens attinet dicere.
Quid igitur? HANSINIUM ab hujus communione laudis excludo? mi-
nimè; sed hoc dico, futurum, ut si tales viros nullā de causā, nisi scītā &
commentitiat tam male tractas, reliqui omnes, quorum virtus tibi suspe-
cta esse potest, sibi timeant, & rebus suis melius, quam HANSINIUS
ac PUNGYUEUS rex meus fecere, provideant. Quis enim dubitet?
quis non videat, idcirco illos à te occidi, quia, quorum virtute ac fortitu-
dine jam non indiges, eos formides? Cave, Imperator, cave, si tibi diu-
turnum imperium est cordi, ne deinceps in hunc modum savias. Has
sunt illa pauca, qua te volebam non ignorare; de cetero facies tecum quod
voles, non minus parato mori, quam vivere. Fulminatus improvisa ex-
postulatione Imperator diu stetit; ubi verò collegit animum, accurrit,
solutumque vinculis LUONPUM ad honores invitavit.

LUONPUM vera locutum mox KINGPUS HOAIGAN rex
ostendit. Videns enim Imperatorem fortissimis quibusque ducum suo-
rum necem offerre fictis etiam causis, ne sævitiae valescentis exemplum
ad se quoque pertineret, fortunam experiri voluit, aut interimere
certus aut interire. Itaque aperte in Imperatorem rebellis, recta Bo-
ream versus tendit, intactas nullaque vi tentatas Australes provincias
relinquens à tergo. Sed præcipiti consilio seipsum egit in fraudem.
Quippe Imperoris Præfeci, qui curabant in Australibus provincijs,
collectis copijs omnem ei commeatum intercluserant; & Imperator
magno cum exercitu progressus obviā, prope KI urbem nil tale
prætimentem fudit ac fugavit. Et quamvis KINGPUS excesserit vi-
vus è pœlio; post tamen haud multò, quam nuspiam apparebat, ^{Nova rebeli-}
quò se reciperet, occursantibus à Borea & Austro copijs, captus & oc-
citus est. Memorant Imperatorem auditā ejus rebellione sciscitatum
à suis, quónam conferret hostis iter suum; cui cùm esset responsum,
eum recta Boream XENSIQUE provincias petere per montes, Impe-
ratorem dixisse. Salva res est! cur ipsum timeamu, nil habemus;
habuimus, si provincias Australes invasisset, facturus haud paulo

majus mihi negotium. Nunc ubi secus ab eo factum; vos bono esse animo, jāmque devictum captūrumque ne dubitate.

Ex hoc proelio redux in morbum incidit Imperator; cuius ingā-
vescente vi postquam se vicinum agnovit esse, ne vacuum relinqueret
imperium, IUYUNG ē CIEA gratiofissimā concubinā filium, ejus
precibus vixius, successorem denuo declaratum ibat. Intercessere ma-
gistratus omnes præpostero favori; docentes, quām malè successisset
olim idem audentibus, quantāque inde imperio impenderent mala,
sed nullis consilijs aures ejus patuere. LUHEUA imperatricē pro fi-
lio suo maximē sollicita CHANGLEANGU Mrogat, excogitaret pra-
senti malo remedium, haberētque cura filium suum. Ille rem ex-

*Idoneos consilios modum. Iam agendum est non dicto, quies Imperator non cedit; sed
procurata legiimi hereditatis factio. Si tamen audire pauca potes; rei componenda modus hic occurrit
mihi. Quatuor ē Philosophia nobilissimi ob CINE familia bellorumque*

*motus ac tempestates abdiderē se villis, quō tutius atq; ab armorum strepi-
tu remotius in studijs sat latere possint. Tu tantum INGLO tuo filio siade-
uel imperia, ut eos honorificis literis invitet ad se docendum; reliqua mea
cura sunt. Mox ad illos profectus, de Imperatoris consilio præmoni-
tos rogat, nec hoc onus Imperatoris filium docendi suscipere graventur;
hoc enim reipublicæ atque adeò totius orbis interesse. Illi omnia
se facturos recipiunt, statimque Principis epistola eis traditur cum
muneribus. Quam Philosophi secum ferentes, ad IMPERATOREM
adeunt, cūmque monent ab INGLO se litteris invitatus, libenter,
quod ejus pace fieret, quamcunque poscent Principi laturos ope-
Imperator venerandā canitie ceteroque Philosophorum cultu com-
motus, eorumque nomina sciscitatus. Adhuc, ait, optimi virtutis mem-
seruitum fugientes in vestru villis latuisse; nullā vestrā culpa, sed meā.
Nimirum ego vobis dignus non eram. In video plane sorti filij mei, à quo
invitatis adestis. Felicior est ille vobis præceptoribus, quām ego sepe fui.
Sed quo pacto vos invitataverit, scire aveo. Nec enim unquam esse credidi
tanti consilij filium meum. Illi prolatā epistola, Filius tuus, inquit,
pius est & obsequens, literarum hominumque doctorum amans. Omne
felix imperium nostrum erit, si tibi succedit ille, à quo totius orbis pendet
bonum. Nos sane, quiescumque licet arribus eum ad omnem virtutem
arque doctrinam informabimus. Sic eum docti omnes amplectentur, &
ianquam ad literatorum asylum configantur. His dimissis Imperator*

CIEAM.

CREA M concubinam vocat, & INGU M, ait, non quærit imperium, sed imperium quærit INGU M supplicem purpuram offerens renuenti. Quod igitur sæpe promisi tibi, jam præstare non est in meâ manu. Nam ecce! qui sapientiae laude florent, omnes INGU M dilaudant & amplectuntur; quorum exemplum totus sequetur orbis, ego unus omnibus contravenire nequeo. Hæc locutus INGU M imperij successorem postliminio designavit, haud mediocri omnium lætitia.

Inter hæc etiam SIAOHOUS levissimâ de causâ captus ab Imperatore, mortis periculum vix effugit. Salutem debuit Imperatrici; à quâ, ut amicus, in primis amabatur. Causa verò, quod adeò repente gratiâ exciderit, non tam ad aliquod SIAOHOI crimen est, quâm ad antiquum Sinarum morem referenda. Semper enim hoc habuere gentis hujus Imperatores, habentque nunc etiam, ut nihil faciant subditos suos, tractentque non secus ac mancipia, quoscunque magistratus gerant gesserintque. Cùm enim imperium omne sit penes unum, fortunarum omnium se, vitæque ac necis dominos esse credunt. Hinc nulla nobilitas, nulla dignitas adeò procedit, ut non pendeat ab Imperatore; nec ulli hominum generi licet ex infimâ plebe clausus est ad summos honores aditus, Imperatoris unius apertus voluntate. Unde ab omnibus Numinis loco colitur, velut à quo pendeant omnia; validâ in terrorem majestate metuendus. Hinc ergo fit, ut levissimâ sæpe de causâ etiam bene meritos exuat summo quoque munere, alios morte multet, eos præcipue, quorum fortitudo bellique perititia potest aliquando tenui quamvis indicio timeri. Sola meretur indignationem, suspicio. Non ignotum id militum ducibus; quæs proinde, præser-tim potentioribus, multorumque militum Præfectis, non minus est fluxa fides in Imperatorem, quâm in se illius æquitas, è cuius obtritu materiam rebellionis ut plurimum arripiunt. Nam si devictis hostibus militem dimiserint, vix mortem se præsciunt evasuros; ad quam mendam satis est, præclarè fortiterque factis eò pervenisse, ut timeri queant. Hinc belli temporibus in Sinis audiuntur continuae rebelliones; & quantò quæque atrocior, tantò audaciùs à quoque, nulla fidelitatis habitâ ratione, cœptatur.

*Subditii Sinarum
ab Imperatore
vriter habentur.*

Cùm jam in ultimis esset Imperator, LUUHEUA visens eum, Scio te uno, optime Imperator & Conjunx amantissime, inquit, in dignis hominum ingens ac naturæ dotibus neminem adhuc prudentiorem fuisse. Quare abs te scire aveo, cui post SIAOHOUS è Præfectis

Colas

Colai dignitatem destines. Is enim non diu vivet, utpote senex; & fortasse nostro malo. Tunc Imperator, Proximus, ait, ei ZAOSANUS succedit. Post hunc UANGLINIUS id munus administrato, dispergitam tamen ipsum inter & CHINPINGUM potestate. Cave, ne penes hunc unum sit ab Imperatore proxima dignitas. Summa est in illo vita ingenij; rerumque prudentia nimia, & hoc ipso suspectanda. Super hac est homo arbitrij sui nemini cedens, & hinc magis idoneus reipublica perturbanda, quod prudentior. Est omnino maxima prudentia, uti prudentiam scire, ac sine bujus abusu, alterius magis inniti, quam sua sententia. Solutus quidem difficiliter administrabit imperium; si alium potest pati, quod posse debet, qui sit illi quasi profranco, succendent omnia ex voto tuo publicoque. Nec alium ei facile parem invenies. Non multò post hæc verba, prudentia plena, ut in loco referemus, moritur LIEUPANGUS Imperator, inter humanae felicitatis exempla meritò numerandus. Nam per varios casus ad imperium Sinicum evasit à latrocinio; non sanè tam diuturno illius fructu, quam usquequaque tranquillum id habere coepit. Cumque laboraret à nepotum ac filiorum successione, nova tamen ipsius auspicijs Imperatorum familia succrevit HANA dicta, quæ triginta continuos successores habuit. Quam felicitatem eti rebelliones bellaque varia subinde acciderint, imò & ipsius denique imperij partitio; sexaginta tamen supra quadringentos annos & amplius imperatoriam dignitatem tenuit, quod deinceps docebimus. Ceterum LIEUPANGUS à suis prolixè dilaudatur, multas ejus virtutes narrantibus nullo vitiorum oblæfas confinio, nisi nimium in eo luxum darent. Quippe magnifici apparatus, vitaque cultus curvantur voluptate in præcipuis ei delicijs erant.



MAR.